

MIJORO EO

AMIN'ILAY ELANELANA

 Misaotra anao, Rahalahy Neville. Ndao isika hijanona hitsangana fotoana fohy fotsiny ankehitriny, raha miondrika ho an'ny vavaka isika. Ndao isika hanondrika ny lohantsika. Ary raha misy fangatahana manokana, hampahafantarinaréo fotsiny amin'ny alàlan'ny tanganareo mitsangana ve izany. Ankehitriny hazony ao am-ponareo izany zavatra izay ilainareo izany, ka mangataha amin'ilay Ray Andanitra mba Hanekeny an'izany.

² Rainay An-danitra, manatona Anao izahay ankehitriny amin'ny Anaran'ny Tompo Jesosy. Tonga izahay, mino fa ireo zavatra izay irianay dia hampahafantarina ao amin'ny vavaka. Ary raha mino izahay fa voarainay izay angatahanay, dia ho ekena izany. Ankehitriny dia marina loatra izany teny fikasana izany. Nandritr'ireo taona rehetra ireo, dia hitanay voasedra Izany, ary fantatray fa marina Izany. Te-hisaotra Anao izahay, aloha, nohon'ny nitehirizana ny ainay ka namela anay hiverina eto indray, miaraka, mivory ato amin'ity fiangonan'ny Tompo ity.

³ Misaotra Anao izahay ny amin'ny fiangonana sy ny amin'ny pasitera, ary ny amin'ilay Fahamarinana lehibe izay iorenany eto sy tohanany. Misaotra Anao izahay nohon'ny olona rehetra izay ao amin'ny Fanatrehana Masina. Ary mangataka izahay mba Hamindranao fo aminay, androany, ka hanaiky ho anay an'ilay fahazoana izay ilainay, mba hahatonga anay ho mpanompo iray mahavita kokoa hatrany ho Anao. Fanirian'ny fonay ny hanompo Anao amin'ny fanajana sy amin'ny fo marina iray, ary mba Hahafahanao mahazo ny tsara indrindra avy ao amin'ny fiainanay. Isan'andro, dia enga anie ny fandehanay mba ho tena hahafaly Anao tsara amin'ireo zavatra izay nataonay amin'izany andro izany.

⁴ Ankehitriny dia mivavaka ho an'ny marary rehetra sy ny mila zavatra izahay, androany, izay ato amin'ity Fanatrehana Masina eto ity, sy eo amin'ny fanatrehan'ireo Toeranao masina na aiza na aiza manerana an'izao tontolo izao, mba ho tonga amin'ny Heriny anie ilay Jehovah lehibe ka hanasitrana ny marary sy ory rehetra. Raiso ny voninahitra ho an'ny Anaranao lehibe! Tahio ny tsiambaratelo tsirairay ao amin'ny fo, izao maraina izao, an'ireo fangataham-bavaka ireo. Mivavaka izahay, ankehitriny, raha mijery midina ao amin'ny fo tsirairay Ianao ka mahita izay asehon'izy ireo raha manangana ny tanganany

izy ireo, dia omeo azy ireo ny faniriany. Ary tahio izahay raha mandroso manompo Anao. Ary rehefa hiala ato amin'ny tranobe izahay izao maraina izao ka handeha ho any an-tranonay, dia enga anie izahay ho afaka hiteny tahaka an'ireo izay avy tany Emaosy hoe, "Tsy nangorakoraka ve ny fontsika raha niresaka tamintsika Izy teny an-dàlana?" Mangataka an'izany amin'ny Anaran'i Jesosy izahay. Amena.

Afaka mipetraka ianareo.

⁵ Tiako ny hilaza fa tsara, izao maraina izao, ny tonga indray ato amin'ity fianganon'ny olona ity, eo amin'ny Fanatrehan'ny Tompo. Ary efa volana vitsivitsy izay hatramin'ny niverenako. Ary tamin'ny Alahady lasa dia nikasa ny ho tonga aho, saingy izaho—izaho dia mihevitra fa tsy sitrapon'ny Tompo ilay izy. Na ahoana na ahoana, ilay lohasaha eto dia tena tsy mahasalama mihitsy ho ahy. Vantany vao miditra ao amin'ilay lohasaha aho, dia tsy mahatanty an'ilay rivotra izay eto, ary rakotra tandimerina aho. Ary neveriko fa ireo tandimerina dia miditra avy hatrany ao amin'ny vavony, ary tena narary aho, izaho... mipararetra, sy mangovitra, ary mangatsiaka. Ary tsy afaka tonga fotsiny aho, na dia nifoha aza aho ka niezaka hanery ny tenako hanao an'izany. Ary izaho—izaho dia mahafantatra fa izaho—izaho dia... Tena tsy mahasalama ilay lohasaha, ary tsy mahasalama izany ka—ka tsy natao hiaina ao amin'izany aho.

⁶ Ankehitriny dia tianay ny hanao tatitra, nanana fotoana lehibe izahay tao amin'ireo asan'ny Tompo, nanerana an'ireo ampahany samihafa an'ny firenena izay niantsoan'ny Tompo anay mba hitoriana. Ary ankehitriny tsy nanampo ny hiresaka eo amin'ny zavatra anankiray mihitsy aho izao maraina izao, kanefa i Rahalahy Neville dia tena nila ahy mihitsy mba—mba hilaza zavatra noho ny maha-eto miaraka amin'ny olona. Noho izany aho... Izy dia tsara fanahy foana tahaka an'izany, raha ny fahafantarantsika rehetra an-dRahalahy Neville. Ary tiantsika i Rahalahy Neville. Ankehitriny, tsy misy andro iray izay tsy hieritreretako azy sy ny vadiny ary ny fianakaviany, sy ireo zanany, mivavaka ho azy ireo. Andriamanitra anie hanome azy tanjaka handehanana, hanohizana! Araky ny fantatsika, dia miha-tapitra ny fotoantsika. Isika dia tena akaiky an... ny ampitso, dia ireo Hazavan'ny hariva an'izao andro izao. Ary izaho...

⁷ Ny fianakaviany dia any Andrefana. Tsara daholo izahay. Ary nahazo roapolو livatra aho, nefo very folo tamin'izany hatramin'ny niverenako. Ary nahazo valo ambin'ny folo livatra i Billy Paul. Ary Rebekah sy Sarah ary Joseph, dia nahazo daholo. Mazava ho azy, fa ny vadiko dia tsy nahazo. Noho izany—noho izany dia tsy ho sahiko ny hiteny an'izany eto, fantatrareo, satria tsy maintsy handeha hody aho afaka kelikely. Noho izany aho... Fa izahay dia nanana ny—ny fotoana nahafinaritra, nahafinaritra iray, ary tena nankasitraka. Izahay...

⁸ Somary ratsy kely, heveriko, ny hiverina, saingy misy zavatra lehibe anankiray, zavatra anankiroa tena ilaina izay banga aminay, fa tsy misy toerana iray hafa izay afaka maka ny toerany. Zavatra anankiray, ireo skaizanay eto, sy ny fiangonana. Tsy mampaninona na aiza na aiza alehanay, mahita skaiza izahay, ary mankasitraka an'ireo skaizanay izahay. Saingy misy zavatra iray mikasika an'ireo skaiza izay miraikitra aminareo amin'ny an-kahasoavana sy an-kaharatsiana, ka tsy misy fomba hanoloana an'ireo skaiza ireo. Tsy mampaninona izay haha-izy ny skaiza hafa iray, fa tsy misy fomba iray hanoloana skaiza iray tahaka an'izany. Voageja amin'izy ireo mihitsy ianareo, ianareo izany. Ary isika, miaraka, dia miandry ny Fihavian'ny Tompo, raha mandroso ireo andro. Ary somary sarotra kely ny miezaka ny hieritreritra fa ianareo dia afaka... Tsy afaka misaraka ianareo.

⁹ Tonga tao an-tsaiko ny Soratra iray izay inoako fa i Paoly no nanoratra, sy nilaza ao amin'ny Korintiana, hoe, "Tsy misy na inona na inona amin'ny ankehitriny, na inona na inona amin'ny ho avy, ary tsy misy fahefana, na fitanjahana, mosary, loza, na ny zavatra ankehitriny, na fiainana, na fahafatesana, afaka hahasaraka antsika amin'ny fitiavan'Andriamanitra izay ao amin'i Jesosy Kristy." Ahoana fa na dia ny fahafatesana izy tenany aza tsy hahasaraka antsika, satria efa natambatra niaraka ao amin'ny fo isika, ao amin'ity fiombonana lehibe manodidina ny Tenin'Andriamanitra ity. Ary na dia ny fahafatesana izy tenany aza tsy hahasaraka antsika. Hitambatra ao amin'ilay Mandrakizay lehibe isika, amin'ny fotoana sy taona rehetra.

¹⁰ Ary amin'izay fotoana izay ireo ankizy... Amin'ny maraina, afaka mandeha any am-pianganana isika, mazava ho azy. Fa na aiza na aiza alehanareo, dia tsy misy ny... Tsy ilay tabernakla kely etsy amin'ny zorony etsy izany. Ary misy zavatra anankiray mikasika azy, izaho—izaho dia tsy nahare intsony an'ilay lakolosy kely tranainy ary izaho...naneno teo antampony teo, tamin'ny maraina. Ary heveriko fa tsy maneno izy amin'izao fotoana izao, satria tsy mbola napetrak'izy ireo fotsiny ilay tilikambo, ho an'ilay lakolosy.

¹¹ Ary tamin'izay fotoana izay dia niangona teto amin'ny Làlambe Fahavalox sy Penn teto, izay teo amin'ny dimy amby telopolo taona lasa izay, nandohalika teto tao amin'ny kamory tranainy iray, mba hanorina ny fiangonako voalohany, ary toy ny ahoana no nifanarahany Tompo Jesosy tamiko teo amin'izany. Ary amin'izao andro izao dia mijoro ho toerana masina iray izany eto. Ary ny biriky sy rihitra, mijoro ho toerana masina iray izany. Fa ao anatin'ny foko ao, dia toerana masina iray izany izay haharitra raha mbola manana fitadidiana foana aho. Izany dia ny...

¹² Ary ny manao ny fiangonana iray dia tsy ilay tranobe, izany dia ny olona izay miangona ao anatiny ao mba hanompo an'Andriamanitra. Mankasitraka an'ireo zavatra ireo isika.

¹³ Ary ankehitriny dia nieritreritra aho, angamba satria tonga ny fotoantsika, saiky, ary—ary tsy manana fotoana betsaka tavela isika, dia somary hofeheziko aminareo ireo zavatra sasamy izay nitranga. Ary avy eo dia hanao horonam-peo vitsivitsy aho raha mbola eto, satria efa nampanantena anareo rehetra aho, hitanareo, fa ny hafatra vaovao rehetra, ny hafatra voaray feo, dia ho avy eto amin'ity lampihazo ity aloha. Eto no atao ireo horonam-peo rehetra, fa tsy any ivelany any. Ankehitriny, Rahalahy Jim sy izy ireo no mandeha sy mivarotra an'ireo horonam-peo ao anatin'ny favoriana, sy ny sisa, saingy izany dia eo amin'ny zavatra iray foana izay mivoaka avy eto aloha. Hitanareo? Amarino indray izany na aiza na aiza, dia ho hitanareo izany. Izany no fampanantenako ho anareo, ary hitohy tahaka an'izany ilay izy mandra-panovan'ny Tompo Andriamanitra azy.

¹⁴ Ary heveriko fa ireo mpividy ny horonam-peontsika, izay manerana an'izao tontolo izao, ny Hafatra iray izay mivoaka avy eto, Izany dia manodidina ny giloby. Hitanareo? Any anaty ala mikirindro any sy manerana, Izany dia mandeha amin'ny alàlan'ny fandraisam-peo. Ary ho an'ireo mpanompo sampy sy ny sisa, amin'ny alàlan'ny maro, fiteny maro samihafa no nandikana an'Izany. Noho izany dia ilaiko, raha mbola eto aho, raha sitraky ny Tompo, ny hanao horonam-peo vitsivitsy. Ary angamba, raha tsy manana zavatra izay mirehitra ao am-pony ny pasitera rahariva, eny, ho tiako angamba ny hanao horonam-peo iray rahariva.

¹⁵ Ary avy eo dia handeha ho any Arkansas aho rahampitso, ary, na ny Talata, raha ny marina, ny Talata maraina, mba hanampy ao amin'ny favoriana kely iray any miaraka amin'ny International Brotherhood of Christians. Heveriko... Na angamba diso ny fanononako an'izany. Izany dia zavatra iray mikasika ny National Brotherhood of Christians. Tsy haiko mihitsy. Miala tsiny aho. Manahirana ilay izy, sa tsy izany? [Hoy ny rahalahy iray hoe, “Associated Brotherhood of Christians.”—Mpand.] Misaotra anao, tompoko. Associated Brotherhood of Christians. Ary natao handeha hatramin'ny farany aho, manomboka amin'izao Alahady izao, hatramin'ny farany. Saingy notazoniko ho an'ny tabernakla ny androany, mba ho eto. Ary avy eo—avy eo aho dia handeha amin'ny Zoma... Izany ve ny, tompoko, izany... Ny Zoma ireo—ireo favoriana no mifarana any. Ary hiezaka aho ny hiverina ny Sabotsy hariva, mba ho eto ny Alahady maraina, raha sitraky ny Tompo. Hanao horonam-peo hafa iray aho. Ary angamba indraindray, manomboka izao, dia tiako ny hanao horonam-peo vitsivitsy alohan'ny handehananay.

¹⁶ Ary avy eo dia tena maika ny ho any amin'ny Baton Rouge aho, Louisiana, ho any amin'ilay fivoriam-be. Ary avy eo—ary avy eo dia hiverina. Ary avy eo aho dia natao handeha, amin'ny fomba rehetra, ho any Anchorage. Hitanareo? Ary—ary avy ao Fairbanks sy Anchorage, ho an'ny Christian Full Gospel Business Men, eo amin'ireo mpandrahahara. Ary avy eo dia miverina. Ary raha sitraky ny Tompo, dia ho any Chicago amin'ny herinandro faran'ny Jolay.

¹⁷ Ary avy eo dia heveriko, mety eo amin'io fotoana io, dia tsy maintsy hitondra haingana an'ireo ankizy any Arizona indray aho ho ao amin'ny... hampiditra azy ireo an-tsekoly any. Satria, Charlie, tsy maintsy ho eto aho eo amin'ny faha-dimy ambin'ny folon'ny Aogositra. Noho izany aho—aho dia te-hiverina amin'io fotoana io, raha sitraky ny Tompo, any Kentucky. Mihomehy ny olona rehetra, angamba ny sasany amin'ireo vao tonga dia tsy hahafantatra hoe inona no dikan'izany. Ary manantena kely fotsiny aho fa tsy dia ratsy loatra izany avy eto amin'ny lampihazo, fa izany no fotoana hahatongavan'ny vontsira. Noho izany, Mama Cox, miankina amin'izany aho, hitanareo, noho izany ho herinandro vitsy any ho an'ny fialan-tsasatro.

¹⁸ Ankehitriny mino aho fa ny... Manana zavatra iray aho eto izay nosoratan'i Billy ho ahy, naoty kely vitsivitsy. Ary ny anankiray amin'izy ireo dia nanao hoe, "Dada, te-hahafantatra i Rahalahy Neville raha afaka manolotra ankizy anankiroa ianao." Izany tokoa, ho tsara mihitsy izany. Ary, eny, isika dia manana ny—an'ilay fotoam-panolorana ka ny... Afaka manao an'izany tsara isika ankehitriny. Ary avy eo dia heveriko fa haka kely an'ireo dimy amby efapolo minittra manaraka isika, na tahaka an'izany, eo amin'ny famehezana an'ireo zavatra izay niseho.

¹⁹ Ankehitriny, maro amin'ireo olona sy fiangonana, satria rehefa izaho... Ity dia tabernakla iray misokatra. Tsy anaram-piangonana iray mihitsy izy, ary Andriamanitra no manaiky fa tsy ho izany izy, mihitsy. Satria, tianay ity ho toerana iray izay tsy misy—tsy misy lalàna afa-tsy ny fitiavana, tsy misy fanekem-pinoana afa-tsy Kristy, tsy misy boky fianaranana afa-tsy ny Baiboly. Ary noho izany, dia tsy manana fikambanana izahay, manana fiaraha-miombona izahay, ho an'ny olona rehetra, ny anaram-piangonana rehetra. Ny olona rehetra dia tongasoa ary izahay dia manana—ary izahay dia manana fiombonana manodidina ny Tenin'Andriamanitra, izay hahatsapan'ny olona rehetra ho tongasoa arak'izay azon'izy ireo atao. Ary ny fitsipika, izahay dia tia ny Tompo Jesosy fotsiny. Ary—ary izahay dia tsy—tsy vondron'ny mahay eto. Izahay dia olona tsotra ihany izay miezaka mamaky ny Baiboly fotsiny ary tsy mametraka fandikana amin'Izany ankoatr'izay Lazainy mihitsy. Izao ihany...

²⁰ Mino aho fa Andriamanitra dia hitsara an'izao tontolo izao amin'ny alàlan'ny Baiboly indray andro any. Ankehitriny raha izy ireo dia...Hitsara an'izao tontolo izao Izzy. Ary raha tsy misy modely iray hitsarana, dia ahoana no hahafantaran'ny olona an'izay hatao? Hitanareo? Izany dia ho Andriamanitra... Ianareo dia tsy afaka mamekaka tsi-fahamarinana eo—eo amin'Andriamanitra. Ary Andriamanitra dia tsy maintsy manana zavatra iray ho an'ny Modeliny, izay Itsarany ny olona. Noho izany raha mitsara azy amin'ny alàlan'ny fiangonana Katolika Romana Izzy, amin'izay fotoana izay ny fiangonana Grika, ny Katolika Ortodoksa, sy ny maro amin'izy ireo, dia azo antoka fa very, ary ny sisa rehetra amin'izao tontolo izao. Raha mitsara azy amin'ny alàlan'ny fiangonana Katolika Ortodoksa Grika Izzy, fa tsy amin'ny alàlan'ny fiangonana Romana, amin'izay fotoana izay ilay hafa... Amin'izay fotoana izay ny fiangonana Romana sy ny sisa rehetra dia very. Raha mitsara azy amin'ny alàlan'ny fiangonana Loterana Izzy, amin'izay fotoana izay dia vita ilay Presbyterana. Raha nitsara azy tamin'ny alàlan'ireo Presbyterana Izzy, dia vita ireo Loterana sy Batista. Hitanareo? Noho izany raha mitsara azy amin'ny alàlan'ireo Pentekotista Izzy, amin'izay fotoana izay dia vita ny ankoatr'ireo Pentekotista rehetra.

²¹ Fa tsy hitsara azy amin'ny alàlan'ny fiangonana anankiray Izzy, araka ny hevitro, satria be loatra ireo fahasamihafana ary be loatra ny fifanjevoana. Fa hitsara azy Izzy, hoy ny Baiboly hoe, "Hitsara an'izao tontolo izao amin'ny alàlan'i Jesosy Kristy Izzy." Ankehitriny, izany no ara-tSoratra. Ankehitriny... Ary ny Baiboly no nilaza, hoe, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ary nonina teo anivantsika." "Ilay tsy miova omaly, anio, ary mandrakizay." Noho izany, Izzy no Teny, ary *Ity* no Kristy amin'ny endrika taratasy. Ary ao amin'ny Bokin'ny Apokalypsy ho an'ny Katolika, Fanambarana ho an'ny Protestanta, ao amin'ny toko faha-22 rehefa nifarana io Boky io, dia Jesosy no nilaza, Izzy tenany hoe, "Raha misy olona hanaisotra Teny anankiray amin'ity Boky ity, na hanampy teny anankiray amin'Izany; dia mitovy, ny anjarany, dia hesorina ao amin'ny Bokin'ny Flainana." Noho izany aho... Ny antony hinoantsika an'ity, sy mijanona fotsiny marina tokoa. Tsy misy na inona na inona... Afaka manao an'ireo zavatra izay tsy Nosoratany eto Izzy, fantatsika izany. Saingy raha mbola mijanona foana amin'izay Nosoratany fotsiny isika, dia ho tsara izany.

²² Ary ankehitriny ao amin'ny fanolorana an'ireo ankizy, maro amin'ireo olona, ireo Metodista dia mamafy rano azy ireny. Ary—ary neveriko fa izy ireo dia manana an'ireo kaominiony voalohany tao amin'ny fiangonana Katolika, na Loterana, teo amin'ny roa ambin'ny folo taona teo, ary karazan'ny—ny fanaovana batisa iray rehefa teraka izy ireo. Izaho—izaho dia

mihevitra fa nofafazana rano ireo zazakely. Ary—ary heveriko fa izany no nampisaraka ny Nazareana tamin'ny Metodista, taona maro lasa izay, tao amin'ny fanaovana batisan-jaza. Heveriko fa marina izany, Rahalahy Brown. Izaho—izaho—izaho dia mino fa izany no nampisaraka ny fiangonana Metodista sy ny Nazareana, satria ny Nazareana dia tsy nanaiky ny fanaovana batisan-jaza. Fa ho antsika, eto amin'ity tabernakla ity, raha hijanona amin'izay nolazain'ny Baiboly isika, dia tsy misy toerana ao amin'ny Baiboly izay mba namafazana rano ny olona, na dia zazakely iray aza, na dia olon-dehibe iray aza. Fa izy ireo... Ny Baiboly no milaza, ny toerana tokana avy ao amin'ny Baibolintsika ho an'ireo ankizy dia, "Nitondra an'ireo zaza teo amin'i Jesosy izy ireo, ary Izy...mba Hahafahany mametraka ny Tânany eo amin'izy ireo sy hitso-drano azy ireo." Ary hoy Izy hoe, "Avelao ny ankizy madinika hanatona Ahy, ary aza raràna izy ireo, fa an'ny toa azy ny Fanjakan'ny Lanitra."

²³ Ankehitriny, noho izany, fantatray fa tànana mahantra izahay, izaho sy ny pasitera, na ny pasitera hafa, mba haka ny tànan'ny Tompo Jesosy. Ary raha teto Izy izao maraina izao, dia ho nitondra an'ilay zazakely teo amin'i Kristy ireto raiamandreny ireto. Saingy satria eto izahay misolo tena Azy, fa misolo tena Azy izahay, dia entin'izy ireo eto aminay ireo ankizy. Ary manolotra azy ireo ho an'ny Tompo izahay, amin'ny alàlan'ny fametrahana ny tànanay eo amin'izy ireo, ho fahatsiarovana ny Teniny Lehibe sy ny Asany. Koa toy izany no anoloranay an'ireo madinika ireo.

²⁴ Nieritreritra aho hoe angamba mety misy reny eto miaraka amin'ny zazakeliny izay tsy mbola voatolotra ho an'ny Tompo mihitsy, ka mety ho tiany ny hanatona miaraka amin'ireto reny na ray ireto izay hanolotra ny zanany. Mitondra azy ireo miakatra eto fotsiny izahay ary manolotra azy ireo ho an'Andriamanitra, sy mivavaka ho azy ireo, ary miteny amin'ny Tompo fa mametraka ny tànanay amin'izy ireo izahay, ary—ary ho fisolona ny Azy. Ary izany no manakaiky indrindra ny Soratra izay hany mbola hitako. Ankehitriny, mety manana an'ireo boky fianaranareo ianareo ka mahita zavatra anankiray izay nolazain'ny vondron'olona iray, saingy izay nolazain'ny Teny no tiako ho lazaina, hitanareo. Ankehitriny heveriko fa nataoko tena, tena mazava ilay izy amin'ny maha-izy azy.

²⁵ Ankehitriny raha ilay mpitendry piano (Ianao ve ilay mpitendry piano, rahalahy?) no hiakatra eto. Tsy manahirana ve izany, ao amin'ilay fiangonako manokana, no manontany hoe, "Iza no mpitendry piano?" Saiky tsy maintsy mandondona eo am-baravarana aho. Eny àry. Mihira an'ity hira kely ity izy ireo, na mitendry azy.

Ento izy ireo, ento izy ireo,
Ento eo amin'i Jesosy ireo madinika.

²⁶ Ary raha mihira an'izany ny fiangonana, dia ndao isika hitsangana. Ary aoka ireo reny sy ray izay hitondra an'ireo madinika, hanatona ankehitriny ka hitsangana. Eny àry.

Ento izy ireo, ento izy ireo,
Ento eo amin'i Jesosy ireo madinika.

Ankehitriny, pasitera... Ankehitriny isika dia manana namana—namana kely eto izay matory. Ary indraindray izy ireo manao “amena” mafy kely, koa dia azontsika izany, zazakely izy ireo. Iza no anaranao, tompoko? William Henry Vincent. Ary ny zanakao vavy kely? Christina Maria Vincent. Namana kely iray maha-te-ho tia toy ny inona no miankina eo amin’ny—ny soroky ny rainy. Afaka mahazo azy ve aho? Christina, tsy afaka misolo ny rainao aho eto, hitanao. Ndao isika... Hametraka ny tanganareo eo amin'ilay zazakely ve ianareo.

Ndao isika hanondrika ny lohantsika.

Rainay An-danitra, manatona ny Seza fiandriananao izahay, ka androany, any ankoatra, ny finoanay no mampakatra anay any ankoatry ny volana, kintana, any ankoatry ny firafitry ny masoandro, ho eo amin'ny Fanatrehan'ilay Tsitoha. Mitondra an'ity ankizy kely maha-te-ho tia ity izahay. Tsy fantatray izay hazoninay eo an-tsandrinay, Tompo. Mety ho mpanompo lehibe iray ho Anao izany, amin'ny andro ho avy. Mahatoky izahay fa izany ilay izy. Saingy ny rain'ilay ankizy no nitondra an'ilay madinika eto aminay, mba hahafahanay mametraka ny tanganay eo aminy. Ka, milaza ho Mpanomponao izahay mba hanao eo amin'ny Toeranao mandra-Piverinao, amin'izay fotoana izay dia Ianao no mandray ny zavatra rehetra. Mandrapahatongan'izany, Tompo, dia tsy maintsy manompo Anao amin'ny fahatokiana sy fahatsoram-po izahay.

Ary miaraka amin'ny tanganay mipetraka eo amin'ity zazavavy kely ity, dia mitso-drano azy amin'ny Anaran'i Jesosy Kristy Tompo izahay. Mahatoky fa Ianao no hanome azy fiainana lava, raha maharitra Jesosy, ary enga anie izy ho lasa mpanompo lehibe iray ho Anao. Tahio ny tokantrano izay hitazaina azy. Enga anie izy ho voataiza ao amin'ny fananaran'Andriamanitra, ka hanompo Azy amin'ny androm-piaiany rehetra. Tahio ireo raiamandreniny, ary enga anie izy ireo ho velona mba hahita an'ity ankizy ity ho vazy homem-boninahitra ho an'ny Tompo, noho ireo fihetsiny androany, amin'ny Anaran'i Jesosy Kristy. Amena.

Andriamanitra hitahy anareo.

Andriamanitra hitahy anao, tompoko. Ny anarany dia... [Miresaka amin-dRahalahy Branham ny anabavy iray—Mpand.] Ity no Ranabavy Tabet, Teresa. Tsy fantatroy fotsiny raha afaka hihazona an'i Teresa isika, na tsia. Tsy mihevitra an'izany aho. Mahafantatra kely kokoa izy.

Eny, ndao isika hanondrika ny lohantsika.

Rainay An-danitra, raha mametraka ny tànanay amin'ny rahavavin'ilay madinika iray izay vao avy natolotra Anao izahay, ireo raiamandreny dia mila an'ity madinika iray ity ho voatolotra, ihany koa. Enga anie ny fahasooavan'i Jesosy Kristy Tompo hitoetra eo amin'ity ankizy ity, ary hanome azy fiainana lava, fiainana iray voatahy ho an'ny asa ho Anao, amin'ny Anaran'i Jesosy Kristy. Amena.

Andriamanitra hitahy anareo ankehitriny, hitahy anareo rehetra. Raiamandreny sambatra indrindra ianareo, izao maraina izao, ny manana an'ireo namana kely maha-te-ho tia anankiroa ireo.

Ny anarany? [Hoy ilay ray hoe, “Joe William Cartwright.”—Mpand.] Joe William Cartwright. Maka ny fialantsasany izy izao maraina izao, neveriko. Eny àry. Ankehitriny, raha ianareo—ianareo rehetra . . . Eny, afaka mihazona azy ianao raha ianao—ianao raha ny marina, madama. Tsara izany. Joseph, miakara eto. Eny àry. Ary afaka mihazona azy ianao raha tianao.

Rainay An-danitra, mitondra eo Aminao izahay, an'ity Joseph William Cartwright kely ity. Mijoro ilay ray, izao maraina izao, mba hamerina Aminao an'izay Nomenao azy, ho ao amin'ny fiainan'ny asa. Andriamanitra, tahio ity madinika ity, ary enga anie izy hiaina fiainana lava, salama, matanjaka, ka ho lasa mpanompo lehibe iray ho Anao. Tahio ny rainy sy ny reniny, ny tokantrano izay hitaizana azy. Enga anie Kristy no ho ilay Asaina tsy hita maso amin'ny fotoana rehetra. Ary atolotray ho Anao ity zazalahy kely ity, ho an'ny fiainan'ny asa, amin'ny Anaran'i Jesosy Kristy. Amena.

Ho tahiana ianao, Rahalahy Steve Cartwright.

Zazavavy kely? [Hoy ilay anabavy hoe, “Eny, tompoko.”—Mpand.] Madama? [“Pam Lewski.”] Sylvia Shippy.

Rainay An-danitra, mametraka ny tànanay eo amin'ity zazavavy kely ity izahay, raha mitondra azy eto ilay malala izao maraina izao, mijoro eto amin'ny alitara. Enga anie ireo tso-drano mba ho tonga aminy, raha nametraka ny Tànanay Manokana misy holam-pantsika amin'ity ankizy ity ny Tompo Jesosy, enga anie ireo fitahiana hitoetra eo amin'ilay madinika. Tahio izy ankehitriny, ary enga anie izy hiaina fiainana lava, sambatra, ka ho mpanompo iray ho Anao. Ary tahio ny tokantranony, ireo raiamandreniny, ireo malalany. Amin'ny Anaran'i Jesosy Kristy no anaovanay izao hetsika izao, araka ny Baiboly. Amena.

Mitahy anao . . . ? . . . Ho tahiana ianao . . . ? . . .

Ho lasa mpihira iray izy. Iza ilay anarana? [Hoy ilay rahalahy hoe, “Roy Allen Myer.”—Mpand.] Roy Allen Myer. Nilaza aho hoe, ho lasa mpihira iray izy.

Izany dia mampahatsiahy ahy. Antenaiko fa tsy dia ho ratsy izao, ao amin'ny fiangonana, fa indray andro dia niresaka tamin'ny Indiana iray aho. Nanana zaza kely iray izy nitsangana tany, ary hoy aho tamin'izay fotoana izay hoe, “Zazalahy mahafinaritra iray izy. Ary zazalahy mahafinaritra iray izy.”

Ary nandinika ahy ilay lehibe, minitra vitsy. Avy eo dia niondrika izy, nanao hoe, “Fa, izy, dia vavy iray.”

Ataoko, fa mbola tahaka an’izany indray ilay izy.

Iza ny an’ilay zazalahy... [Hoy ilay rahalahy hoe, “Roy Allen.”—Mpand.] Roy Allen. Allen no anaram-pianakaviana? [“Myer.”] Myer. [“Roy Allen Myer.”] Roy Allen Myer. Zavatra kely iray mahafinaritra izy.

Rainay An-danitra, raha mametraka ny tànanay eo amin’ity ankizy kely ity izahay, ary ao amin’ny Baiboly dia nilaza izy ireo fa nitondra an’ireo ankizy madinika teo Aminao izy ireo, ary Ianao dia nametraka ny Tànanao teo amin’izy ireo ka nitso-drano azy ireo. Ary izany ilay hetsika izay ataonay ho fahatsiarovana an’ilay Hetsikao lehibe teto an-tany. Tahio ity ankizy ity, ireo raimandreniny. Enga anie ilay tokantrano ho toeran’ny vavaka tsy an-kitsahatra, fiadanana. Ary enga anie ilay zazavavy kely hiaina fiainana lava, sambatra ary ho Mpanomponao amin’ireo andro rehetra. Ary enga anie ity fianakaviana ity tsy ho kodiarana vaky mihitsy. Ao amin’ny Voninahitra, enga anie ny mpikambana tsirairay hiangona manodidina an’ilay Seza fiandrianan’Andriamanitra lehibe, amin’izany Andro izany, ka handeha hiaina mandrakizay. Mandra-pahatongan’izany, Tompo, dia enga anie ireo Fitahianao Mandrakizay hitoetra eo amin’ilay ankizy, izay tsosifinay rano amin’ny Anaran’i Jesosy. Amena! . . . ? . . .

Ity madinika ity . . . Ity no rahavavy keliny, Rebekah.

Ray An-danitra, mametraka ny tànanay eo amin’i Rebekah kely izahay ary mitso-drano azy, ihany koa, amin’ny Anaran’ny Tompo Jesosy, toy ny hoe nandeha teo amin’ilay rano fotsiny izy, teo amin’ilay dobo. Ary mahatoky aho, Tompo, fa ho avy ny andro izay hahatonga taona azy, banana andraikitra, ka haka ny toerany izy, ary handeha avy hatrany ao amin’ilay dobo ao, ka hatao batisa ho famelàna ny fahotany, amin’ny Anaran’ny Tompo Jesosy. Ekeo izany, Ray. Ankehitriny tahio izy, miaraka amin’ilay rahavavy keliny. Enga anie izy hiaina fiainana lava, sambatra, ary hanompo Anao. Amena.

Tahio izy. Ny Tompo hitahy anao.

Ny azy ity? [Hoy ilay reny hoe, “Ity no Jacqueline Grenault.”—Mpand.] Jacqueline Grenault kely, tsara tarehy iray hafa, zazavavy kely.

Rainay An-danitra, mametraka ny tànanay eo amin’ilay zazavavy kely izahay. Ho fahatsiarovana an’ilay Tompo Jesosy

lehibe, Izay nametraka ny Tànanay teo amin'ireo ankizy ka nitso-drano azy ireo. Ary enga anie ilay tso-drano ho tonga eo amin'ilay ankizy, toy ny hoe ireo Tànanao Manokana no eo aminy, androany. Raha teto an-tany Ianao, tao amin'ny vatana ara-nofo iray, dia ho nitondra an'ilay ankizy teo Aminao ilay reny. Fa satria izahay, amin'ny maha-Solontenanao, dia manatona amin'ilay faharoa izy, amin'izay fotoana izay, Ray. Ary mangataka izahay mba Hitahianao an'ity ankizy ity, izay tsofinay rano. Amin'ny Anaran'i Jesosy Kristy, dia enga anie izy hiaina fiainana lava, sambatra ao amin'ny Asanao. Tahio ny tokantranony izay itaizana azy, enga anie izany ho tokantranon'ny vavaka tsy an-kitsahatra, amin'ny Anaran'i Jesosy. Amena. Ho tahiana ianao.

Manana roa amin'izy ireo ianao? [Hoy ilay anabavy hoe, "Manana zazavavy roa aho, tsy mbola natolotro hatramin'izao...?..."—Mpand.] Eny àry. Ankehitriny, ity zazalahy kely ity no...["James David."] James David. ["Humes."] Humes. Nihevitra aho fa fantatro ianao, Ranabavy Humes. Misionera ianao, ianao sy ny vadinao. Miaraka aminao ve ny vadinao, izao maraina izao? Eny, ny Tompo hitahy andRahalahy Humes. Hono ho'aho, azo antoka fa manana ankizy kely tsara, mahafinaritra ianareo. Ity no David? Ary ity no... ["James David. Ity no Joseph Benjamin. Rehefa tany Florida izahay...?..."] Vao avy niresaka tamin'ny anabavy avy any Florida aho, tao amin'ny birao, izao maraina izao. Ity zazalahy kely ity, rehefa izy... Avy any Florida izy ireo, rehefa tany izy ireo, ilay zazalahy kely, ankizilahy iray fotsiny, bitika kely, ankizy madinika dia niditra tao ambadiky ny tokontany, ary niandrandra. Nilaza fa nahita an'i Jesosy izy.

Ankehitriny, ho an'i David Humes kely. Mametraka ny tanganay eo aminy izahay, ho fanolorana fiainana iray ho an'ny asa ho an'i Jesosy Kristy. Tohizo ny Tso-dranonao eo amin'ny tokantranony, Tompo. Ary ataovy ny rainy sy ny reniny, Tompo, hatanjaka sy ho salama, mba hanohy ny asa izay Niantsoanao azy ireo hataony amin'ny maha-misionera eny amin'ny saha. Ary ankehitriny dia enga anie i David kely hiaina fiainana lava, sambatra an'ny asa ho an'i Jesosy Kristy. Mangataka an'izany izahay, amin'ny Anaran'i Jesosy. Amena.

Ary ho an'ity rahalahy keliny ity, Joseph, O Andriamanitra, na dia mbola kely aza dia efa njery teny amin'ny lanitra ka nahita ny endriky ny Tompo Jesosy. Enga anie ireo tso-dranon'Andriamanitra ho eo amin'ity zazalahy kely ity izay atolotray ho an'ny asa ho an'i Jesosy Kristy, izao maraina izao. Ary enga anie ny Fanahinao Masina lehibe hitarika an'ity ankizy ity, Tompo. Enga anie any ho any ao amin'ny fiainana, raha misy ny ampitso iray, Ianao... Hanohy miaraka amin'ny Filazantsara izy izay tena—tena ezahanay ho tohanana amin'ny faherezana

amin'izao andro izao. Tahio izy, Ray, izay tsotinay rano amin'ny Anaranao. Amena.

Ho tahiana ianao. Andriamanitra hitahy anao. [Hoy ilay ankizy hoe, "Teo ambanin'ilay hazo no nahitako an'i Jesosy."—Mpand.] Jesosy nitsangana teo ambanin'ny hazo, izany izy...?....

Eny, tokony ho fantattro ity tovolahy ity. [Hoy ny rahalahy iray hoe, "Stanley."—Mpand.] Eny, tompoko. Manao ahoana ianao? Tsy vitako ny mieritreritra ny anarany, na izany aza. Danny Eugene Spaulding. Eny, manantena aho fa manaraka ny dian'ny dada ianao, hatramin'ny naha-zazalahy kely anao. Ity zazalahy kely ity, ity ankohonana ity dia tonga eto amin'ny tabernakla eto, tsy an-kitsahatra. Ary ny fotoana voalohany nahitako azy dia hatramin'izy mbola...Ataoko fa, ny fotoana voalohany hany nahitako azy. [Hoy ilay rahalahy hoe, "Ela raha araky ny fantattro."] Eny, izany no fotoana voalohany hany nahitako azy.

Ray An-danitra, mitondra zazakely eo aminao izahay izao maraina izao izay napetraka eo amin'ny fiahian'ity tokantrano Kristiana ity eo ambanin'ny fiandraiketan'ity ray sy reny Kristiana ity. Mankasitraka izahay ny mahita an'ireo madinika teraka ao amin'ny tokantrano tahaka an'izany, Tompo, satria mino izahay fa ho voataiza amin'ny fananaran'Andriamanitra izy ireo. Mametraka ny tànako eo aminy aho, miaraka amin'ny pasitera, amin'ny Anaran'i Jesosy Kristy. Enga anie ilay zazakely hiaina sy hatanjaka ary ho salama ka ho mpanompo iray ho Anao amin'ny androm-piainany rehetra. Izany dia angatahanay, amin'ny Anaran'i Jesosy Kristy. Amena.

Ny Tompo hitahy anao, Stanley. [Miresaka amin-dRahalahy Branham i Ranabavy Spaulding—Mpand.] Izany dia tamin'ny alalan'ny vavaka no nahatongavany koa. Tena mahafinaritra izany.

Izy... Robert Douglas Samples. Tsara tarehy anankiray hafa, zazalahy kely manga maso.

Ray An-danitra, mitondra eo aminao an'ity zazalahy kely manga maso ity izahay izao maraina izao raha mitsangana eto amin'ny alitara izy izay misy an'ireo fanahy teraka nandrity ny telopolo taona farany. Enga anie ianao handray azy, Tompo, izao maraina izao, raha mametraka ny tànanay eo aminy izahay ka manolotra azy ho an'ny Fanjakan'Andriamanitra sy ho an'ny asa ary ho an'ny—ny fiainan'ny fahasalamana sy tanjaka. Amin'ny Anaran'i Jesosy Kristy no anaovanay an'izany. Amena.

Ho tahiana ianao, ry zazalahy kely.

Izy dia manome anareo... Izaho—izaho tsy nahafantatra, Jimmy, ianao ilay nitsangana teo. Oadray, ary izy ireo dia nanao ao... Mitombo ilay fianakaviana kelinao. Tena mahafinaritra. Ankehitriny, iza no... Shawn Patrick Poole. Ny raiben'ity

zazalahy kely ity ary izaho dia efa mpisakaiza hatry ny ela, hatramin'ny naha-zazalahy kely tany an-tsekoly. Tsy goavana be loatra noho izao izahay rehefa nihaona. Ndao isika hanondrika ny lohantsika.

Ray An-danitra, teo amin'ny efapolo taona lasa teo angamba izao, nitsangana teo amin'ny varavarany sekoly tao amin'ny Utica Pike, tsy fantattro akory aza fa io ilay zazalahy kely, izahay, saro-kenatra, nifampijery, hoe indray andro any dia hametraka ny tànako eo amin'ny zafikelinyn aho, hanolotra azy ho an'ny Tompo Andriamaniry ny Lanitra. Raiso Shawn kely, izao maraina izao, Tompo, ho mpanompo iray ho Anao. Ny reny sy ray no mitondra azy amin'ny faherezana, mba hamerina amin'Andriamanitra an'izay nomena ho an'ny fiahian'izy ireo. Enga anie izy ireo hiaina fiainam-pahasalamana mahery sy tanjaka, ary finiavana, ao amin'i Kristy. Ankehitriny dia atolotray Anao ity zazalahy kely ity, amin'ny Anaran'i Jesosy Kristy, ho fiainan'ny asa iray. Enga anie izy hiaina lava, sy hanompo Anao.

Efa voatolotra ve ilay zazavavy kely? Iza no anarany? Karla.

Toy izany koa, eo amin'i Karla kely, dia mametraka ny tànanay izahay, izao maraina izao, ary manolotra azy ho an'ny asan'i Jesosy Kristy. Andriamanitra, tahio izy. Enga anie izy hiaina fiainana lava, sambatra. Enga anie izy ho mpanompo iray ho Anao, amin'ny andro rehetra an'ity fiainana ity. Ekeo izany, Tompo. Tahio ny tokantranony. Aoka izany ho toerana iray an'ny vavaka sy finoana. Atolotro Anao ity zazavavy kely maha-te-ho tia ity, izao maraina izao, avy ao amin'ny fon'ilay ray sy reny izay mitsangana eto amin'ity alitara ity, amin'ny Anaran'i Jesosy Kristy. Amena.

[Hoy ilay ray hoe, “Ny anarany dia James Pool.”—Mpand.]
Zazalahy kely iray. Izy dia antsoina hoe Jim avy eo. [“Eny.”]

Rainay An-danitra, ny rain'ireto madinika kely ireto no mihazona eo amin'ny sandriny ankehitriny an'ilay harena kely farany izay Nomenao azy ao amin'ny endrika ankizy iray, niantso azy avy amin'ny rainy hoe, James. Andriamanitra, ekeo izy mba ho lehilahin'ny fahendrena tahaka an'i Jakoba sy ao amin'ny Baiboly. Mivavaka aho mba Hanomezanao azy fiainana lava, salama, Tompo. Ary enga anie izy hitombo, ary raha misy ny ampitso iray, dia avelao izy handray ny Tenin'Andriamanitra. Ekeo izany, Ray. Ho fahatsiarovana an'izay nataon'i Jesosy Kristy Tomponay rehefa tety an-tany Izy, dia mametraka ny tànako eo amin'i James Pool kely aho ary manolotra azy ho an'ny asan'Andriamanitra. Amin'ny Anaran'i Jesosy Kristy. Amena.

Ho tahiana ianao, James! Ho tahiana ilay madinika kely!

Zazalahy kely iray; roa amin'izy ireo ankehitriny. Ahoana hoe? Jerry Dean Allen.

Tompo Andriamanitra, eo ambonin'ny lohan'ity zazalahy kely ity, Jerry Dean Allen, no enga anie hitoetra ireo tso-dranon'i Jesosy Kristy. Raha mametraka ny tànanay eo aminy izahay, raha manolotra an'ity fiaainana tanora ity ho Anao izahay. Tahio ny tokantranony, ireo raiamandreniny. Ary enga anie izy hiaina fiaainana lava, sambatra ho an'ny asa ho an'Andriamanitray sy Andriamaniny, Izay anoloranay azy ankehitriny, amin'ny Anaran'i Jesosy Kristy. Amena.

Ho tahiana ianao, ry madinika kely!

²⁷ Ankehitriny, heveriko fa izao no tena saiky—saiky hanaovana an'izao ankehitriny. Ankehitriny dia tena arapotoana marina tokoa isika izao, amin'ny iraika ambin'ny folo. Ankehitriny, fantatrareo, azoko eritreretina fotsiny, mahita an'ireo reny izay manatona, sy ireo dada, miaraka amin'ireo zazakely ireo, dia afaka nieritreritra an'i Josefa sy Maria aho, tamin'ilay marainan'ny fanolorana ny Tompo Jesosy.

²⁸ Rahalahy Kidd, nanana fihaonana kely iray tamin'ny olona iray aho tao amin'ny birao, saingy izaho—izaho dia nandre ny fihetseham-ponareo izao maraina izao teto, avy amin'ny—avy amin'ny lehilahy iray amin'ny taonanareo. Ary ataoko fa ianareo dia niresaka ny amin'ny nanasitranan'ny Tompo anareo... ny mpanatrika. Ary saiky nahapotika ny fiarako aho, indray maraina, mba hahatratra an'ilay antitra... Mpitoriteny antitra iray izy.

²⁹ Eritrereto fotsiny, io lehilahy io dia, eto ny vadiny kely, dia nitory ny Filazantsara talohan'ny nahaterahako. Nitory an'ity Filazantsara ity, tany amin'ireo tendrombohitra sy lohasahan'i Kentucky sy Tennessee, niaraka tamin'ireo mpitrandraka arintany, ary voaroaka. Ary niaina tsy nanana na inona na inona ho hanina izy ireo. Ary io vady kely eto io, nanasa lamba teo amin'ny fanasan-damba iray, ho an'ny roapolو na telopolo cents teo ho eo isan'andro, mba handefa ny vadiny ho any amin'ny saha hitory ny Filazantsara. Ampy hanaitra ny olona iray izany, sa tsy izany?

³⁰ Ary avy eo dia mieritreritra, fa nandry teo izy, rehefa nilaza ireo dokotera tena tsara indrindra hoe, "Eo am-pahafatesana izy. Ny prostatiny, homamiadana no manerana azy manontolo. Tsy afaka ny ho velona afa-tsy ora vitsy sisa izy, ary amin'ny ankabopeny dia iray andro na roa." Ary efa roa na telo taona lasa izany, telo taona lasa. Ary io izy eto, izao maraina izao, salama, sitrana, manome voninahitra an'Andriamanitra. Tamin'izay fotoana izay dia firy taona ianao tamin'ny ianao sitrana, Rahalahy Kidd? Teo amin'ny firy taona rehefa Andriamanitra... Firy taona ianao, izy ankehitriny? [Hoy ny anabavy iray hoe, "Roa amby valopolo."—Mpand.] Valopolo-... ["Telo amby valopolo amin'ny Aogositra."] Eny àry. Teo amin'ny valopolo taona teo izy raha nanasitranan'ny azy

Andriamanitra. Ankehitriny miahys antsika olona antitra ve Andriamanitra? Azo antoka, miahys Izzy. Eny, tompoko!

³¹ Nanasitrana an'i Abrahama Izzy rehefa zato taona izy, ary Saraha rehefa sivifolo taona izy. Ary niteraka an'i Ismaela izy ireo, na, miala tsiny aminareo aho, Isaka. Marina ve izany? Tena sambatra isika ny amin'izany.

³² Ankehitriny tena mahafinaritra ianareo, ary afaka hiresaka aminareo ny maraina manontolo tahaka an'izao aho. Fa ndao isika hamaky sasantsasany amin'ilay Teny sarobidy ary avy eo dia hiditra avy hatrany ao amin'ny fotoana. Ankehitriny, neveriko, raha izay no ho sitrak'Andriamanitra, dia ho tiako ny hamehy kely aminareo an'ireo zavatra izay nitranga. Ary avy eo rahariva, raha sitraky ny Tompo, dia te-hiresaka aho eo amin'ny—ny lohahevitra iray. Te-hanao an'izany ao amin'ny horonam-peo aho, amin'ny ankapobeny, mba havoaka. Izany... Ary raha te-ho avy ianareo ka hihaino, dia tena tsara. Rehefa avy mamarana ny hafany ny pasitera, amin'izay fotoana izay aho dia hanana ny... Hanao an'izany horonam-peo izany aho. Tiako ny history an'ilay izy eo amin'ny *Ilay Jiro Mena Mipiapiaka An'Ny Fihaviany*. Ahoana fa ny anankiray amin'ireo mпиapiaka dia eo ambonintsika mihitsy izao ankehitriny izao! Ary tiako ny hiresaka eo amin'izany rahariva, ilay jiro mena mпиapiaka an'ny Azy. Eto Izzy, tena akaiky mihitsy izao ankehitriny izao. Ilay—ilay famantarana maty, miditra ao amin'ny fiantsonana ilay fiaran-dalamby.

³³ Nomery, toko faha-16, ho anareo izay hamadika sy hamaky. Ity no Teny Mandrakizay, noho izany dia ndao isika hamaky ampanajana. Tiako ny hamaky andininy roa an'ny Nomery 16, ny andininy faha-3 sy ny faha-4, mba hahazoana foto-kevitra kely iray eo amin'izay iriako ho lazaina.

³⁴ Ary ankehitriny, raha tsy mandeha ireo horonam-peo, dia maniry aho mba handefasan'izy ireo azy ankehitriny. Na hanamboarana azy mba hahafahan'ity ampahany eto ity ho azo alefa. Ity no havoaka. Raha tianareo, azonareo amboarina ve ny horonam-peonareo mba hahatonga an'ity ampahany eto ity ho voasaraka amin'ny sisa amin'ny fotoana? Hitanareo, ity dia—dia zavatra vaovao. Ankehitriny, raha azonareo hajanona eto mihitsy ilay izy, na izay hataonareo, eny, avy eo izahay dia... Tianareo ve ny hanapaka kely an'ilay izy ho ahy iray segondra fotsiny, avy eo dia hamerina an'ilay izy, mba hanomezany anareo fijanonana iray hahafantarana hoe avy aiza no hanombohana azy, sa afaka manomboka eo foana ianareo na ahoana na ahoana? Manomboka na ahoana na ahoana? Eny àry. Tsara izany.

³⁵ Ankehitriny isika dia hamaky ny Nomery 16:3 sy 4.

Ary nanangona ny tenany nanohitra an'i Mosesy sy nanohitra an'i Arona izy ireo, ka nanao taminy hoe, Ianareo dia maka be loatra ho anareo, hita anefa fa

masina avokoa ny fiangonana rehetra, ny tsirairayavy amin'izy ireo, sady ny TOMPO no eo anivon'izy ireo: koa nahoana ary ianareo no dia manandra-tena ho ambonin'ny fiangonan'ny TOMPO?

Ary rehefa nandre an'izany i Mosesy, dia niankohoka tamin'ny tavany izy:

³⁶ Rainay An-danitra, tahio ireto Teny vitsy ireto. “Ary enga anie ny fisaintsainan’ny fonay, sy ireo vokatry ny molotray, ho ekena eo Imasonao.” Amin’ny Anaran’i Jesosy no ivavahanay. Amena.

³⁷ Tiako ny—ny handray an’ity ho lohateny iray, ho an’izay iriako ho lazaina izao maraina izao: *Mijoro Eo Amin’Ilay Elanelana*.

³⁸ Amin’ity fotoana izay iresahantsika ity, na hamakiantsika, mazava ho azy, dia azontsika rehetra fa izany dia rehefa i Datana sy—sy—sy Kora no nanapa-kevitra fa—fa izy ireo dia hitsivalana amin’ilay—ilay fanirahana izay nomen’Andriamanitra an’i Mosesy, nanao hoe, “Tokony hamela ny fiangonana rehetra ianareo hanao an’izao-sy-izao. Masina avokoa izy rehetra.” Ary Andriamanitra nandidy an’i Mosesy hitarika ny olona ho any amin’ilay tany nampanantenaina. Dia hoy izy ireo hoe, “Manandra-tena ho ambony loatra ianareo amin’ny fanaovana an’ilay izy. Ianareo, dia miezaka ny hanao ny tenanareo ho hany tokana ao amin’ilay andiany izay—izay manana ny fitenenana.”

³⁹ Ary tsy nahafaly an’Andriamanitra loatra izany hany ka hoy Izy tamin’i Mosesy hoe, “Saraho amin’izy ireo ny tenanao. Izaho—Izaho fotsiny dia—Izaho fotsiny dia hamono an’ilay andiany iray manontolo, ary hanomboka taranaka vaovao iray miaraka aminao.” Ary niankohoka teo amin’ny Fanatrehan’Andriamanitra i Mosesy ary nilaza Izy fa tsy maintsy handalo eo amboniny. Hitanareo?

⁴⁰ Ankehitriny, amin’izao andro izao, raha tsy maintsy hamotika ny olona Andriamanitra, ka nisy fotoana iray izay nahareraka an’Andriamanitra tamin’ny hadalan’ny fahotantsika, manao ratsy tsy an-kitsahatra isika, dia iza no hijoro tahaka an’i Mosesy, amin’izao andro izao, ho an’ny olona? Aiza no hahitantsika olona iray izay hijoro, na afaka hijoro, izay ho eken’Andriamanitra tahaka ny Nanekeny an’i Mosesy? Ary ny fiainan’i Mosesy manokana teto an-tany dia nisy dikany betsaka tokoa tamin’Andriamanitra hany ka nahatazona ny fahatezeran’Andriamanitra izany, ka tsy afaka nandalo teo ambonin’i Mosesy Andriamanitra. Ankamantatra ho ahy foana izany hany aho ka... Indray andro, tao amin’ny fanambaran’ny Soratra, dia tonga tao amiko io eritreritra io. Hoe, hitanareo, Mosesy, tao amin’ny fihetsika, dia nisolo tamin’ny fomba rehetra. Tandindona iray an’i Jesosy Kristy izy.

⁴¹ Ary rehefa tsy maintsy hanaisotra ny ain'izao tontolo rehetra izao Andriamanitra, ka handrava an'izany, sy ireo mpanota rehetra, ka voaozona ho faty, dia maty ho antsika rehetra Kristy. Ary tsy afaka nandalo teo ambonin'i Kristy Andriamanitra, amin'ny maha-Zanany Manokana. Ary avy eo dia nanolotra ny Tenany maimaim-poana Jesosy, mba Hahafahany mandoa an'ilay fanao raha toa... Mosesy dia tsy afaka nanao an'izany. Tsy nanana rà afa-tsy ràn'olombelona i Mosesy, tahaka antsika. Koa, noho izany, ny ràny dia tsy ho, izany dia tsy ho ampy. Fa Jesosy amin'ny maha-Ràn'Andriamanitra Tenany, ilay Ràn'Andriamanitra mpamorona, dia namela fotsiny an'ilay taranak'olombelona manontolo Andriamanitra tamin'izay fotoana izay, ny amin'ny ota, satria izany dia napetraka teo Aminy avokoa. Ary nandeha teo Kalvary Izy ka maty, tsy teo amin'ny Fanatrehan'Andriamanitra, ary niaritra. Ary natsipy tao amin'ny helo, satria lasa ota Izy, nanao ny otantsika ho eo Aminy. Ary teo no nisy ny—ny mpitondra ny entantsika, naka ny otantsika teo—teo Kalvary, ary avy teo Kalvary nankany amin'ny helo; ary Andriamanitra nanangana Azy tamin'ny andro fahatelo, ho avotra noho ny otantsika.

⁴² Ary amin'izao andro izao dia Izy no mpanelanelana tokana eo amin'Andriamanitra sy ny olona, ary navela heloka maimaim-poana isika ary voavela. Tsy fantatr'Andriamanitra akory aza hoe efa mba nanota isika. Ny otantsika dia natsipy tao amin'ny Ranomasin'ny Fanadinoana, tsy ho tsarovana intsony. Tsy mahavita an'izany amin'ny tenantsika isika; manam-petra isika. Izy no tsy manam-petra. Ary ny fetrantsika, dia mbola afaka mahatsiaro, satria tsy lehibe loatra isika. Fa Izy dia tena lehibe tokoa ka Adinony mihitsy aza hoe efa mba nanota isika. Zanakalahy sy zanakavavy isika, eo amin'ny Fanatrehany. Ary ny zavatra rehetra izay naha-izy Azy, dia isika. Lasa otako Izy, mba hahafahako ho lasa ny Fahamarinany. Lasa otanareo Izy, mba anareo...Izy...hahatonga anareo ho lasa ny Fahamarinany. Noho izany dia tsy afaka mahita ota ao aminareo intsony Andriamanitra raha mbola ao amin'i Kristy Jesosy foana ny fiaikenareo.

⁴³ Olona iray no nilaza, indray andro lasa izay, nanao hoe, “Raha nino zavatra iray tahaka an'izany aho, dia ho nalefako mihitsy ilay entona! Ho nolokoiko mena ny tanàna. Ho nandeha tany amin'ny trano fandihizana rehetra aho. Ho tena mamo tanteraka aho, sy ny sisa, satria,...”

“Nahoana?”

“Efa voaaro ao amin'i Kristy ianareo. Inona no fahasamihafana hataon'izany?”

⁴⁴ Hoy aho hoe, “Izany no maneho fa tsy azonao ilay izy.” Hitanareo? Raha mba nandona ny fonareo ilay fitiavan'Andriamanitra, tao amin'ny fahalemem-panahin'i

Jesosy Kristy, dia ho tena latsa-pitia Taminy ianareo, ho faty izao tontolo izao, tahaka ny otanareo. Tahaka an'izany no ahafantaranareo fa manana ny Fanahy Masina ianareo. Tsy hoe satria afaka nikiakiaka ianareo, niantsoantso, niteny, na fiteny tsy fantatra, na inona koa ilay izy. Fa rehefa lasa maty ny ota, dia velona ao amin'i Jesosy Kristy ianareo. Oh, ny fitiavan'Andriamanitra, tena manan-karena, tena madio! Hitanareo?

⁴⁵ Ankehitriny teto Louisville, Kentucky, vao tsy ela akory izay, niresaka ny mpitoriteny iray, fa nisy ny—ny ramatoa tanora iray. Niandry elaela kely izy teo amin'ny fiainana mba hanambady, tany ho any amin'ny dimy amby roapololo, telopolo taona tany. Ary izy dia zazavavy mahafinaritra iray, Kristiana mafana fo. Ary nisy lehilahy iray tao Louisville izay tsy izy; tsy niaina fiainana tsara tahaka an'izany izy. Nanenjika fandihizana sy tranompandihizana izy, sy ny sisa, saingy indray andro dia nahita famelàna ho an'ny otany izy ary izy—izy dia lasa tena Kristiana iray, tena Kristiana mafana fo. Teo amin'ny herintaona taty aoriana, dia latsa-pitia tamin'ity ramatoa tanora ity izy, ary latsa-pitia tanteraka taminy ilay ramatoa tanora. Dia nivady izy ireo.

⁴⁶ Ary rehefa avy niara-niaina teo amin'ny roa taona teo izy ireo, dia nolazain'izy ireo fa ity vehivavy tanora ity dia niteny tamin'ny vadiny indray andro, hoy izy hoe, “Ry malala, atao ko fa izao dia somary mafy kely aminao, izay Kristiana iray vaovao fotsiny,” hoy izy, “Izaho dia efa Kristiana hatramin’ny naha-zazavavy kely ahy.” Saingy hoy izy, “Ho anao, Kristiana tanora iray, izay tsy maintsy hahatanty an’ireo—ireo—ireo fitapitaka sy fakam-panahy rehetra miaraka amin’izany nefá ianao—ianao efa nanota ela.”

Dia hoy izy hoe, “Eny, ho lasa tena ady iray izany.”

⁴⁷ Hoy izy hoe, “Tiako hahatsiaro zavatra anankiray ianao, hoe rehefa manelingelina anao any ho any ilay fahavalolo, ka lavo ianao ary miverina amin'ny ota, dia aza mijanona lavitry ny trano. Tiako ho tonga ato an-trano ianao.” Hoy izy, “Hahita an’ilay vady iray ihany izay novadianao ianao ato an-trano.” Ary hoy izy, “Hanampy anao aho mba hivavaka indray, ary hivavaka hatrany, ka hiverina indray amin'Andriamanitra.” Hoy izy, “Izaho—izaho—izaho—izaho tsy mila anao hijanona lavitra.” Hoy izy, “Jereo, izaho dia nanambady anao teo amin'ny fototra tsy hoe izay naha-izy anao, fa nanambady anao aho satria tiako ianao.” Dia hoy izy hoe, “Tsy mampaninona izay ataonao, mbola tia anao foana aho. Nanambady anao aho satria tiako ianao.”

⁴⁸ Ary nandeha niasa ilay lehilahy tamin’io andro io, dia re namerimberina an’izany izy tao amin’ny... ilay toerana izay niasany. Hoy izy hoe, “Ankehitriny, ahoana no hahafahan’ny lehilahy iray hanao zavatra ratsy manohitra ny zavatra tahaka

an'izany?" Rehefa ny vehivavy iray, izay tena tia azy loatra ka, tsy mampaninona izay nataony, no manaihy hiverina ka haka azy indray, ary manandrana an'izany indray. Hitanareo? Izany no maneho... Ankehitriny, ampitombboy iray miliara izany dia banana hevitra iray ianareo amin'izay fotoana izay hoe inona ilay fitiavan'Andriamanitra. Hitanareo?

⁴⁹ Fa rehefa latsa-pitia amin'i Jesosy Kristy ny olona iray, ireo zavatr'izao tontolo izao... Rehefa eritreretinareo izay Nataony ho anareo tao amin'ny hazavan'ny Soratra, tsy tao amin'ny hazavan'ny fihetseham-po iray, fa tao amin'ny hazavan'ireo zava-misy, inona ilay izy, amin'izay fotoana izay dia misy zavatra mitranga ao anatinareo. Rehefa tonga ny Fahateraham-baovao, dia maty amin'ny misasak'alina ilay ota. Raha mbola ao anatinareo foana io Hazavana io, dia ahoana no hahafahan'ny aizina hamiratra? Tsy afaka manao an'izany izy. Izany no nataon'Andriamanitra tamin'ny lehilahy anankiray izay nanipy ny tenany teo amin'ilay elanelana, izay afaka nandray an'ilay teny fikasana. Ary satria i Mosesy dia—dia tandindona iray an'ity Tandindona mialoha ity, izany no antony njoroan'i Mosesy teo amin'ilay elanelana ho an'ny olona.

⁵⁰ Noho izany dia manontany aho, ao amin'izao andro izao, ny amin'ity taonan'i Laodikia mamotsotra, kamo, malemy izay iainantsika ity. Isika rehetra dia mahafantatra, ary efa nandalo tao amin'ireo *Taonan'ny Fiagonana*, fa miaina ao amin'ilay taona farany isika, ny Taonan'ny Fiagonana Laodikia. Ary ity taona mpanota kamo, mamotsotra, mandehaho-azy, mamazivazy, an'ny filana izay iainantsika ankehitriny ity, dia mahagaga fa tsy mba niteny fotsiny Andriamanitra hoe, "Mihataha, ry fiagonana, hamotika fotsiny an'ilay vondrona manontolo Aho." Hitanareo? Taona iray toy ny inona no iainantsika! Ary Izy dia hanao an'izany indray andro any, ihany koa. Fantatsika fa ho tonga izany. Tsy hisy ny fanavahana amin'ity, satria Izy no, efa, Olona iray izay maty ho an'ireo izay naniry ny ho afaka. Fa Izy no haka an'ireo izay, na nanaiky an'i Kristy ka lasa Kristiana, ho esorina hiala amin'ilay fahatezerana izy ireo. Satria, tamin'izany fotoana izany dia tsy afaka nanao an'izany Izy; tsy nisy fomba nanaovana an'izany tamin'ny andron'i Mosesy.

⁵¹ Ankehitriny ao amin'ny Bokin'ny Apokalypsy, rehefa tonga eo amin'ny Taonan'ny Fiagonana Laodikia isika. Ao amin'ny Apokalypsy, ny toko faha-3, ny Baiboly no nilaza fa io taona io, ny taonan'i Laodikia, dia "jamba." Hoy Izy, "Satria ianao dia 'manan-karena,' ianao no milaza fa ianao dia 'manan-karena,' ary ianao dia 'mitombo fananana'; ireo fiagonana lehibe indrindra, ireo olona tsara akanjo indrindra, ilay lehibe indrindra izay nisy tao amin'ny taona rehetra. Satria hoy ianao hoe, 'Tsy mila na inona na inona aho.' Tsy fantatralo anefa fa

ianao dia mahantra, malahelo, ory, mitanjaka, jamba, nefà tsy fantatralo izany.”

⁵² Ankehitriny raha ny olona iray no tao amin’io toerana io, ka afaka niteny taminy ny toerany ianareo, dia hiezaka hanampy ny tenany izy raha—raha tsara ara-tsaina izy. Fa raha ao amin’izany toerana izany izy ka tsy afaka miteny aminy zavatra hafa iray ianareo, dia tsy mino mihitsy izy hoe mitanjaka izy, tsy mino izy hoe ao amin’izany toe-batana izany izy, amin’izay fotoana izay dia izany no maneho eto fa jamba izy. Ilay andriamanitr’ity izao tontolo izao ity no nanajamba ny mason’ireo izay mandà ny hanompo an’i Kristy, ary izy ireo dia manana . . . jamba loatra izy ireo ka tsy afaka mahita an’ilay famantarana izay iainantsika, ilay ora, ilay fotoana izay iainantsika. Ary tsarovy, efa nisy Anankiray nijoro teo amin’ilay elanelana, ary tsy misy anankiray hafa afaka hijoro. Na ianareo tsy maintsy hanaiky an’izany, ilay fanafody, na ianareo voaheloka.

⁵³ Ankehitriny, ankehitriny ho antsika, mba hanatonana akaiky an’izay tiako ho lazaina ankehitriny. Afaka mijoro ve isika . . . Ankehitriny mitory amin’ny tenako aho, ao amin’ity. Afaka mijoro ve isika ka mahita olombelona iray izay jamba, jamba ara-batana, ka mahafantatra fa mandeha mankany amin’ny hantsana iray izy, afaka ve isika ao amin’ny—ny toe-tsaintsika, izay misy antsika izao maraina izao, afaka mijoro ve isika ka mahita olona jamba iray mandeha mankany amin’ny hantsana iray, jamba, ka tsy hiezaka ny hampitandrina azy? Izany dia ho, eo, ho tena lozabe. Ho tena tsy miraika isika ao am-pontsika. Azonareo eritreretina ve, ny olona iray izay tena tsy miraika ka mety hihomehy izy, nefà mahita olona jamba iray, izay tsy afaka mahita sy tsy afaka manampy ny tenany, mandeha an-kitsirano mankany amin’ny hantsana iray? Izany dia ho—ho zavatra ratsy iray; ny tsy manao na inona na inona mikasika an’izany.

⁵⁴ Eny, ho an’ireo rahalahiko, manerana an’izao tontolo izao, te-hanao an’izao fiaikena izao aho. Izaho—izaho am-panetre-tena dia milaza an’izany, fa izany fotsiny no saika ho hataoko, na kasaiko hatao. Efa nitory nandritry ny taona maro aho, ary izaho—izaho dia lasa lehilahy antitra iray ary mpitoriteny tranainy antitra iray, ary efa nanana ady marobe, ary angamba nisy holatra aho, potika ny ao anaty rehetra, avy amin’ireo ady. Satria, ny anjarako, izay nomen’ny Tompo ahy, dia tsy ny hiverina hanoroka zazakely, sy—sy hampanambady ny tanora, ary handevina ny antitra. Fa ilay izy dia natao hihazona Sabatra roa lela iray ao amin’ilay vava-ady, manohitra an’ireo fitapitaky ny—ny fanompoan-tsampy sy ny asan-devoly, sy—sy ireo herin’ny maizina, ary hiady amin’izany miaraka amin’ny Tenin’Andriamanitra mandra-pahitako an’ilay fahavaloz resy. Efa voaratra lalina aho, imbetsaka.

⁵⁵ Avy eo rehefa tonga niaraka tamin'ny Hafatra amin'izao andro izao aho, ary efa niteny tamin'ny fiangonana an'ireo zavatra izay saika nolazaiko. Ary efa nilaza mialoha aho taona maro lasa izay, rehefa niantso ahy ho an'ity asa ity ny Fanahy Masina. Ary tsy misy olona iray miaina eto an-tany amin'izao andro izao, ka afaka mba hilaza fa ny Tompo dia namela ahy mihitsy hiteny zavatra iray taminareo tamin'ny Anarany, ka tsy niseho marina tokoa araka ny fomba izay nanaovana azy.

⁵⁶ Ahoana fa naniraka ahy Izy aloha, ary ny fanomezam-pahasoavana voalohany, sy ny fanomezam-pahasoavana faharoa, ary ireo zavatra izay efa voalaza sy vita, nanerana an'izao tontolo izao, ka an-tapitrisany ara-bakiteny no nanatona an'i Kristy. Ary mpitoriteny an'aliny no voatsindrimandry, ka nanomboka fifohazana iray izay mifaoka ny tavan'ny tany manontolo amin'izao andro izao. Ary satria ireo Pentekotista no hany nandray ny Hafatro, izy ireo no hany nahazo laka. Ny fiangonana Pentekotista no maneho fiovam-po betsaka ao amin'ilay vondrona kelin'ny Pentekotista noho ny sisa amin'ireo fiangonana rehetra atambatra. Izany no antontan'isa. Nahoana? Noho ny nandraisan'izy ireo ny Fahamarinana sy nandraisany an'ilay fifohazana.

⁵⁷ Ary ankehitriny, taorian'ny nahatongavan'ilay fotoana lehibe an'ny fanasitranana ny marary, ny fandroahana an'ireo devoly, ary ny fananganana ny maty; izay isika rehetra no vavolombelona, ary toy izany koa ireo dokotera maro sy olona malaza eto an-tany. Ary ilay fisehoan'ny Tompo Jesosy teo anivontsika, izay tao amin'ilay famantarana araka ny hitanareo ao, ataoko fa eo amin'ny rindrina, na aiza na aiza ilay izy, an'ilay Anjelin'ny Tompo. Ary ahoana no nanaovan'ireo siantifika azy ho fananana manokana, ary izany dia—izany dia zava-nisy iray fantatra, manerana an'izao tontolo izao. Ary jereo ireo tena zavatra izay Nataony, fa niseho, isan'andro. Tamin'izany fotoana izany, raha ilay Andry Afo izay nandeha niaraka tamin'ny Isiraely nanerana ny an-eftira, tamin'ny andron'i Mosesy, izay isika...na ankehitriny izay i Mosesy no nantsoina hoe, "Ilay mpanompon'ny Tompo," ary nanaraka Andry Afo iray izy amin'ny alina, ary Rahona iray amin'ny antoandro.

⁵⁸ Ary rehefa teto an-tany Jesosy, dia Izy no nilaza fa Izy io Andriamanitra io. Hoy Izy hoe, "Talohan'ny nisian'i Abrahama, dia IZAHO NO IZY." Ary "IZAHO NO IZY" dia ilay Andry Afo izay tao amin'ilay roimemy nirehitra, izay niresaka tamin'i Mosesy tamin'ny—ny andro lasa. Heveriko fa marina izany, Rahalahy Vayle. Avy eo dia hoy Izy hoe, "Avy tamin'Andriamanitra Aho ary hiverina amin'Andriamanitra Aho." Ary rehefa nohomboana Izy, maty, ary nitsangana, ka niakatra tany amin'ny Avo, ary nametraka ny Vatany teo ambonin'ny alitara lehibe an'ilay Andriamanitra Mandrakizay, mba ho eo mandrakariva mba hanao eo amin'ny toerantsika,

mba hahafantarana fa Izy no nandoa ny trosan'ny otantsika. Ary teo Izy dia niverina teto an-tany indray, tao amin'ny endrika Andry Afo iray lehibe.

⁵⁹ Masindahy Paoly, teny amin'ny lâlany, talohan'ny niantsoana azy hoe Masindahy Paoly, dia nantsoina hoe Saoly avy any Tarsisy izy. Ary teny amin'ny lâlany nankany Damaskosy, mba hisambotra olona sasantsasany izay nanao tabataba be loatra, sy niantsoantso, ary nitory Filazantsara iray izay nifanohitra tamin'ny fiangonan'izy ireo. Teny amin'ny lâlany, indray andro, saiky tamin'izao ora amin'ny andro izao, dia nodomin'ny Hazavana lehibe iray izy. Ary io Hazavana lehibe io, satria Jiosy iray izy ka nahafantatra fa ny Andry Afo no nitarika an'ireo zanak'Israely, ary indro Izany fa teo anoloany indray, dia nihiakiaka izy hoe, "Tompo!"

⁶⁰ Ankehitriny raha voamarikareo ao amin'ny fandikanareo eo amin'ny King James sy ny Standard-nareo, sy ny rehetra, izany dia sora-baventy T-o-m-p-o. Ary ny olona rehetra izay mahafantatra ny Baiboliny, dia mahafantatra fa rehefa sora-baventy T-o-m-p-o izany, dia Elohim, ilay Anankiray ampy tanteraka izay namorona ny lanitra sy ny tany, ao amin'ny Genesisy 1:1. Hitanareo, sora-baventy, "Tompo!" Ankehitriny i Paoly dia tsy hiantso toe-javatra iray ara-pijerena, tsy hiantso zavatra iray izay tsy fantany ny momba azy, satria izy dia lehilahy iray voafana tao amin'ny Soratra. Nipoitra teo ambanin'i Gamaliela, ilay mpampianatra malaza tamin'izany andro izany, ary izy tsy hiantso an'izany hoe, "Tompo," raha tsy afa-po izy fa Izany dia Jehovah. Hoy izy hoe, "Tompo, Iza moa Ianao?"

⁶¹ Henoy ilay Feo izay niverina, "Izaho no Jesosy," ilay tsy miova omaly, anio, ary mandrakizay.

⁶² Noho izany dia heveriko, eo afovoan'izany rehetra izany, alohan'ny handehanana lavidavitra, eto sy manerana an'izao tontolo izao, ireo olona izay hihaino, ary mihaino ankehitriny, dia hahafantatra fa izany dia voaporofo amin'ny fihetsika rehetra fa Jesosy Kristy ilay tsy miova omaly, anio, ary mandrakizay. Nanao an'ireo tena zavatra iray ihany izay Nataony, nanasitrana ny marary, nahafantatra ny eritrerity ny fisainana, satria Izany no nampiseho an'ireo zavatra izay hiseho, ary isan'andro dia tanteraka mihitsy nandritr'ireo taona ireo. Efatra amby dimampolo taona aho, ary efa nahita fahitana hatramin'ny izaho teo amin'ny valo ambin'ny folo volana teo, ary, tsy nisy fotoana iray, fa isan'andro dia ny fahamarinana foana izany. Hitanareo? Ankehitriny, tsy maintsy Andriamanitra izany. Ary avy eo aho dia nieritreritra hoe, "Nahoana ny olona no tena jamba ka tsy afaka mahita an'izany?"

⁶³ Ary tsy an-kitsahatra rehefa miresaka amin'ireo—ireo vehivavintsika aho mikasika ny fanapahany ny volony, ka

mivazavaza ahy ireo mpitoriteny mikasika an'izany; ary mikasika an'ireo izay manao akanjo tsy mendrika, an'ireny sorta ireny, sy—sy mivoaka tahaka an'izany, sy—sy manohy amin'izany fomba ratsy izany; ary mikasika an'ireo lehilahintsika amin'ny fomba izay ataon'izy ireo, mifoka, ary mandray an'ireo fiarahamisotro, sy—sy ny sisa; nefá avy eo dia mbola miantso ny tenany ho Kristiana, sy mandray Fandraisana eo amin'ilay latabatra satria hoe mikambana amin'ny rafi-pandaminana iray izy ireo. Oh, izany dia tsotra fotsiny, mihevitra izy ireo fa niteny ratsy an'Andriamanitra aho. Ary mba nihatsara kokoa ve ireo vehivavy? Miharatsy izy ireo, manerana ny firenena.

⁶⁴ Avy eo aho, satria mikorontan-tsaina iray, (Milaza an'izany moramora kely aho), angamba amin'ny maha-karazan'olona marary saina iray ahy, ary mahafantatra fa tsy ampy aho, hatrany am-boalohany, ho an'ilay asa, araka ny nitarainan'ny maro, izay tokony hanao an'ilay izy. Sarotra ilay izy. Saingy izaho—izaho dia nieritreritra hoe, “Andriamanitra, nahoana Ianao no tsy niantso olona iray izay afaka nanao an'ilay izy? Ary izaho—izaho dia miala tsiny, fa izaho—izaho dia tsy nahomby. Tsy te-hihaino ahy fotsiny ny olona. Ary izaho dia tsy nahomby tamin'ny fanaovana an'izay tokony nataoko, tany ho any, satria tsy te-hihaino ahy izy ireo.”

⁶⁵ Ny reniko, izay vao avy lasa any amin'ny Voninahitra, teo—teo amin'ny herintaona mahery kely teo izay. Ny reniko, ny rainy dia—dia mpihaza iray. Ary heveriko fa azoko avy taminy avokoa ny zavatra rehetra, eo amin'io toerana io, satria izaho—izaho—izaho dia tia an'ireo ala. Ary nieritreritra aho hoe, “Raha ireto olona izay miantso ny tenany ho Kristiana ireto, raha tsy te-hihaino ny Hafatra izay toriako izy ireo, amin'izay fotoana izay dia avelao izy ireo hipetraka tsara. Hajanoko fotsiny izany, izy rehetra, ary handeha hiakatra any an-tendrombohitra aho. Ary mahafantatra sakaiza iray aho izay...” Maro aminareo, eto, no mahatsiaro ahy nilaza mialoha an'ilay fotoana, teo amin'ny enim-bolana talohan'ny nitrangany, ahoana fa handeha any amin'ny toerana iray aho, avy tetra amin'ity lampihazo ity mihitsy, ary hisy ny—ny biby iray izay mitovy amin'ny diera miaraka amin'ny tandroka maranitra, ary ahoana fa izany dia ho roa amby efapolo inches, ary ahoana fa hisy lahindiera milokom-bolafotsy fito dian-tongotra iray any. Manana an'izany ianareo ao amin'ireo horonam-peo sy ny sisa. Ataoko fa tsaroanareo ilay fotoana, ianareo rehetra. [Hoy ny fiangonana hoe, “Amena.”—Mpand.] Eny, mipetraka ao amin'ny efitro ao izany ankehitriny, mba—mba haneho fa izany no fahamarinana.

⁶⁶ Ankehitriny eo amin'ireo zavatra tahaka an'izany fotsiny, satria izany dia talohan'ny nandehanan'ny reniko mihitsy, ary te-hampitonny ahy Izy noho ilay fahatairana lehibe, fa Fantany fa tsy maintsy haka azy Izy.

⁶⁷ Ankehitriny, nihaona tamin'ny lehilahy iray izay Kristiana aho, ary manana toerana iray lehibe eo ambanin'i Alaska mihitsy izy. Ary nanapa-kevitra aho, hoe satria niala teto ary lasa nankany Andrefana, ka haka ny vadiko aho ary hamandrika kely azy ao amin'ny zavatra iray; nentiko tany ambony tany izy, ary ho lasa mpitari-dàlana iray aho. Ary avy eo raha tian'ny Tompo hanao zavatra iray aho, dia havelako haniry ny voloko ary—ary izaho—izaho dia...ny volombavako. Ary—ary izaho—izaho dia hiverina any ka ho mpitari-dàlana iray. Nisy Indiana teo amin'ny roa na telo teo fotsiny no nipetraka tao amin'ilay toerana tany. Izaho—izaho fotsiny dia ho—ho mpitari-dàlana iray ary hanampy an'i Bud aho. Ary raha tian'ny Tompo hanao zavatra iray aho, amin'izay fotoana izay aho dia—aho dia hanao hoe, "Eny àry, Tompo." Hanome ahy fahitana iray Izy. Hitsofoka moramora aho.

⁶⁸ Lazaiko fa ireo olona... Tsy nihevitra ny tenako mihitsy aho, ny olona rehetra dia mahafantatra an'izany, fa ireo olona no nanao hoe, "Rahalahy Branham, ny Tompo no niantso anao ho Mpaminaniny." Eny, izaho—izaho dia tsy nihevitra ny tenako ho izany mihitsy, saingy nanomboka niditra teo amin'ilay fotoana izay efa saiky nahavonona ahy hanao an'izany aho, ny mieritreritra hoe, "Eny, angamba izy aho. Raha izy aho, dia hipetraka any ambadiky ny an-efitra aho. Ary raha hipetraka any ambadiky ny an-efitra aho, amin'izay fotoana izay dia izaho no ho—izaho no ho—izaho no ho Mpaminaniny, hitanareo, ary avy eo raha te-haniraka ahy any ho any Izy. Ary raha mbola tsy mampiasa ahy Izy, amin'izay fotoana izay dia azoko antoka fa hahazo trondro tsara iray aho ary—ary hanao zavatra sasantsasany." Mazava ho azy, fa toetra tia tena kely izany, hitanareo, satria izaho no te-hanao an'izany. Ankehitriny, tsy izany marina tokoa ilay zavatra izay hatao. Ary ankehitriny nanapa-kevitra ny hanao an'izany aho.

⁶⁹ Ary ankehitriny, talohan'ny nitoriana an'ireo *Taona Fiton'Ny Fianganana* mihitsy, raha natao sary teo izy ireo... Misy maro eto, androany, izay teto nandritr'izany fotoana izany, ary mahafantatra hoe ahoana no nitahian'ny Tompo an'izany, teo amin'ilay rindrina teo, Izany no nampitaratra an'ilay izy. Mba fotsiny... Firy eto ankehitriny, no teo tamin'izany fotoana izany rehefa Izy—Izy no tonga? [Hoy ny fianganana hoe, "Amena."—Mpand.] Izany no nanao an'ilay izy.

⁷⁰ Avy eo dia nahatsiaro an-dRahalahy Jackson aho tamin'izay. Mazàna izy no miaraka amintsika. Rahalahy Junior Jackson, ilay Metodista dia mpitoriteny Metodista iray. Hia, io izy mipetraka eto io ankehitriny. Ankehitriny, fa nanatona ahy izy niaraka tamin'nynofy iray, ary avy eo dia rahalahy maro sasantsasany no tonga niaraka tamin'nynofy nitovitovy. Ankehitriny, tena tsara tamiko ny Tompo, ary izaho dia tsy mbola mihitsy, maka anareeo ho vavolabelona aho izao maraina izao, efa mba nilaza

taminareo fandikana diso an'ny nofy iray ve aho? Tsia, tompoko. Satria, dia ny Tompo... Tsy hiresaka an'izany aho raha tsy mijery an'ilay izy indray ary mahafantatra an'izay Lazainy mikasika an'izany, amin'izay fotoana izay aho vao hiteny aminareo. Ary tamin'izay fotoana izay izy dia nilaza fa izaho—izaho dia nanana fotoana iray tao amin'ny fiangonany, ary izy, na ahoana na ahoana na hafa, izy dia tena nigorontan-tsaina tamin'io hariva io, ary nihazakazaka nivoaka ny fiangonana ary nandeha teo amin'ilay lèlana hafa ka nihaona tamiko tao anaty fiara, ary nandalo ny olona. Hoy izy, "Te-hilaza zavatra iray aminao aho."

⁷¹ Dia nolazainy tamiko fa nanonofy nofy iray izy, hoe teto tany ho any, toy ny hoe tany Indiana, dia nisy havoana lava, sy feno bozaka, ary ny rano dia nampiakatra ny tany rehetra teny antampony, ary lasa vatolampy iray izany toy ny—ny tendro sola iray teo amin'ny—teo amin'ny tendrombohitra. Ary tamin'izay fotoana izay tao amin'io vatolampy io dia nisy Soratra hafahafa. Ary nilaza izy fa nitsangana teo aho niaraka tamin'ireo rahalahy rehetra manodidina an'ity fiangonana eto ity, nandika an'io Soratra io. Ary avy eo rehefa tonga ny fotoana izay nahafahako nandika Azy rehetra, tamin'izay fotoana izay ny... na ahoana na ahoana na hafa, raha azoko tsara ilay nofy, dia nihazona zavatra iray toy ny vy lava iray aho, na—na karazana vy telo zoro iray na zavatra iray, na tsy vy telo zoro iray, my tiako ho lazaina dia—dia tsivalam-by iray na zavatra iray, ary nanopaka an'ilay tendron'io tendrombohitra io ka nibata azy. Ary tao anatin'izany dia nisy vato fotosy iray, zavatra iray tahaka ny granite na—na zavatra iray mitovy amin'izany, vato fotosy iray izay tsy voasoratra teo aminy. Ary nilaza tamin'ireo rahalahy aho hoe, "Mijanòna eto ary jereo eo amin'Ity." Ary izaho, raha mbola njery izy rehetra, dia niala moramora teo anivon'izy ireo aho ary nanomboka nandeha tany Andrefana. Ary Rahalahy Jackson no nilaza fa nahita ahy nandeha teo ambonin'ny havoana iray izy, ary avy eo dia havoana iray hafa, lasa niha-kely sy niha-kely, nandeha tany Andrefana. Tsaroanareo izany.

⁷² Eny, ny fandikana an'izany, mazava ho azy, dia nomena teto amin'ny fiangonana talohan'ny nisehoan'izany, hoe ny—ny fotoana dia izao, izay inoako, fa ny fanambarana feno nandritry ny taonan'i Luther, Wesley, ary John Smith, Alexander Campbell, ary ireo samihafa izay nitory teo amin'ny Baiboly, ary nanaraka ny Baiboly isika ka naneho fa hisy ny—ny Hafatry ny anjely fahafito. Ary amin'ny fitsofan'ny Hafatr'ilay anjely fahafito, dia ho fantatra ireo zava-miafin'Andriamanitra rehetra. Avy eo dia tonga ireo kotrokorana fito mahagaga.

⁷³ Ary ankehitriny raha izao no taona farany izay iainantsika, izay nandalovantsika ny fanamarinana, fanamasinana, batisan'ny Fanahy Masina; ary nanana an'ireo famantarana, fahagagana, sy ny zavatra hafa rehetra. Ary niverina ao

amin'ny fiangonana ireo fanomezam-pahasoavana, tahaka ny, fanasitranana avy amin'Andriamanitra, sy faminaniana, sy—sy fitenenana amin'ny fiteny tsy fantatra, ary fandikana. Ary na dia diso fanehoana aza izany, mampahatahotra, kanefa, tsy mahasakana izany, dia misy anankiray tsara. Misy anankiray marina, an'ny tena izy, fanomezam-pahasoavana iray an'ny fitenenana amin'ny fiteny tsy fantatra, izany dia natao foana ho ao amin'ilay Fiangonana.

⁷⁴ Manana fakan-tahaka betsaka isika. Manana olona isika izay mitsangana ka miezaka ny hihetsika tahaka ny Kristiana, nefà ny fiaiman'izy ireo dia tsy mitaha, noho izany dia misy zavatra tsy mety ao. Hoy Jesosy hoe, "Ny voany no hahafantaranareo azy ireny." Hitanareo? Izay no ahafantaranareo ny Kristiana iray, amin'ny alàlan'ny hoe ahoana no iainany. Aza mitsambikina avo loatra noho izay iainanareo. Noho izany fotsiny...Fa amin'izany, fa izany no—izany no devoly manao fandri-goaika, hampanalavitra an'ireo mpino tena izy amin'ilay zavatra marina amin'Izany. Fa Andriamanitra anie hanampy antsika hisaraka ka ho afaka hanavaka ny marina sy ny diso. Ary—ary ny Teny foana no hanitsy an'izany.

⁷⁵ Ankehitriny hitantsika fa, ao amin'ity, efa nolazaiko taminareo izany ny fandikana an'ilay Vatolampy. Ary ny Vatolampy dia Kristy, izany no tao amin'ny nofin'ilay rahalahy, ary izany no Baiboly. Ary nandritr'ireo taona rehetra ireo, dia efa voadika ny Baiboly, hany ka efa nomensika ho an'Izany hatrany ny fandikana ara-pivavahana. Ary ny fanomezam-pahasoavana farany izay nampiana tao amin'ilay taona Laodikiana, dia ny fotoana hitorian'ilay anjely fahafito, ao amin'ny taona Laodikiana, amin'io fotoana io, hoe hisy zavatra betsaka izay diso fandika manerana an'ireo taona.

⁷⁶ Ohatra hoe i Luther dia nitory ny fanamarinana, saingy navela tsy voalanja izany satria tsy velona ela loatra izy. Ary nandritry...Avy eo dia nandrafitra an'ilay fiangonana izy ireo. Tsy nandrafitra an'izany mihitsy i Luther; taorian'i Luther izany. Ary avy eo dia tonga i Wesley. Ary taorian'i Wesley, dia nanana an'ilay fiangonana Wesleyana izy ireo. Ary avy eo taorian'izany dia tonga i John Smith, ilay Batista; ary avy eo i Alexander Campbell, sy ny sisa. Fa ny olona, ireo mpanavao, dia tsy velona ela mba hanangona azy rehetra hiaraka. Ary, noho izany, dia famotsorana farany betsaka no navela, tahaka an'izany. Ary avy eo izy ireo rehefa nanao, ohatra, ny batisan'ny rano izay naverin'i John Smith, ny batisan'ny rano amin'ny—amin'ny fanitrihana; saingy nampiasa titra iray. Ary maro amin'ireo zavatra izay navela no votsoatra. Ary avy eo rehefa tonga teo amin'ny farany isika, dia ilay Hafatra farany no natao hanitsy an'io rehetra io, mba hitondra an'ireo zavatra ireo eo amin'ny "finoana iray, Tompo iray, batisa iray." Hitanareo?

⁷⁷ Ary ankehitriny taorian'ny nandikana ny Baiboly, manontolo, tamin'izay fotoana izay dia voamarikareo fa izany no nanokatra ny tampon'ilay Vatolampy tahaka ny pyramida. Tsy fampianarana pyramida ankehitriny, tsy izany, satria izaho... Ny olona izay mampianatra foto-pampianaran'ny pyramida, dia ataoko fa fantatr'izy ireo izay resahany. Izaho tsy mahafantatra na inona na inona mikasika an'izany. Fa, na izany aza, izany dia tao amin'ny endrika pyramida iray, saingy ny tendron'ilay pyramida dia tsy voapetraka mihitsy. Efa tany Le Caire aho ary—ary tany Egypta, ary—ary tsy tonga mihitsy ilay tendro, satria izany dia vato fehizoro iray, izany dia vato-sarona iray. Ao amin'ny fiangonana dia vato fehizoro Izany. Ao amin'ilay Fiangonana tanteraka, dia vato-sarona Izany. Noho izany dia tsy tonga mihitsy Izany. Nolavina Izany, Kristy. Ary ho tonga Izany. Ary mino aho fa rehefa ho tonga Izany, ka ilay Fiangonana no ho tonga eo amin'ny toerana iray, avy ao amin'ny fanamarinana teo ambanin'i Luther, fanamasinana teo ambanin'i Wesley, dia ny hafatra Pentekotista no hitondra an'ilay Fiangonana ho eo amin'ny tena havitsiana iray, ary ho eo anivon'ireo olona ny asam-panompoana iray hany ka ho tena ilay asam-panompoana iray marina ihany tokoa izay nataon'i Jesosy Kristy. Izany no hitondra an'i Jesosy ka hanala an'ilay zavatra manontolo.

⁷⁸ Ireo Loterana mahitsy fo sy marina rehetra, Presbyterana, Batista, Metodista, ary na iza na iza no nateraky ny Fanahin'Andriamanitra, dia hakarina miaraka amin'i Jesosy Kristy rehefa tonga Izy. Mino an'izany aho. Tsy miombon-kevitra amin'ny sasany amin'ireo rahalahintsika Pentekotista aho izay mino fa ilay sisa nanamborana avy ao amin'ilay fiangonana dia ireo izay hakarina ao amin'ity taona farany ity. Tsy miombon-kevitra aho eo, satria Andriamanitra... Ahoana no hahafahan'ny olona iray, ary ahoana no hahafahan'Andriamanitra... Raha hilaza isika hoe, "Ahoana no Hahafahany?" Afaka manao izay Iriany Izy. Fa Andriamanitra, izay nampanantena an'i Luther, sy teo ambanin'ny fanamarinana, dia izay ihany no fantatr'izy ireo. Hitanareo? Nampanantena ny haka an'ilay Fiangonana Izy. Ary Izy... Izaho dia afaka mino noho ny fahasooavan'Andriamanitra sy noho ny fanohanan'ny Soratra. Satria, tsy tonga tamin'ny fiambenana voalohany Izy, ary nandeha natory ireo; ary ny fiambenana faharoa; sy ny manaraka. Tao amin'ny fiambenana fahafito, dia tonga Izy. Ary izany no Taonan'ny Fiangonana Fahafito, amin'ny Hafatr'ilay anjely fahafito. Hitanareo? Ary rehefa tonga Izy, dia nitsangana ireo virijiny ireo ka nanadio ny fanilony. Hitanareo? Presbyterana, Loterana, Batista, na iza na iza no nateraky ny Fanahin'Andriamanitra, dia handeha ao amin'io Fampakarana io. Mino aho fa ny Ampakarina dia hantsoina mandritr'io fotoana io. Mino aho fa hisy sasany amin'ny andro farany izay tsy hanandrana fahafatesana, fa hovana ao anatin'ny fotoana fohy, indray mipy-maso.

⁷⁹ Ankehitriny, fa araka ny voamarikareo, tao amin'ny nofin-dRahalahy Jackson, fa tsy nisy soratra teo amin'io Vatolampy io tao anatin'y, izany no nandehanako nankany Andrefana. Ankehitriny, raha nitranga izany, ary nolazaiko taminareo, indray andro any dia ho lazaiko anareo izay dikan'izany. Nandeha nankany Andrefana aho ho an'izany. Ary nolazaiko anareo ilay fahitana, fa ireo olona, eo amin'ny horonam-peo sy manatrika amin'izao maraina izao, dia hahafantatra amin'ny fandraisana ny *Tompokolahy, Amin'Ny Firy Izao?* Ary ianareo rahalahy rehetra amin'ny horonam-peo izay tsy manana an'io Hafatra io, ka te-hanaraka an'Izany, dia alaivo: *Tompokolahy, Amin'Ny Firy Izao?* Talohan'ny, herinandro sy volana maro talohan'ny nitrangan'izany, dia nahita aho teto ny fahitana fa hoe tany Tucson aho, avaratr'i Tucson; izany dia ho any atsinanan'i Flagstaff, avaratr'i Tucson; ary hanala an'ireo tsipolitra amin'ny tongotry ny patalohako, ary ny—ny fipoahana iray dia handeha izay ho toy ny hoe hanozongozona ny firenena tokoa. Firy aminareo no mahatsiaro an'izany? [Hoy ny fiangonana hoe, "Amena."—Mpand.] Marina izany. Hanozongozona ny firenena izany.

⁸⁰ Eny, mety misy lehilahy anankiray fara-fahakeliny no manatrika izao maraina izao izay nitsangana tany rehefa nitranga izany. Nanendaka an'ireo vatolampy niala tamin'ilay tendrombohitra tokoa izany. Ary ankehitriny izy ireo... Hitantsika fa, nandritr'io fotoana io, dia nahita Anjely fito aho tao amin'ny—tao amin'ny endrika pyramida iray, izay nifaoka sy nampakatra ahy. Ary nentina nankany Atsinanana aho, mba hanokatra an'ireo Tombokase Fito ho an'Andriamanitra. Raha tsy manana azy ireo ianareo... Raha maharitra Jesosy, ary izaho... ireo zafin'ny zafikeliko, ireo zanaka kelin'i Paul, izany dia mbola ho ny Fahamarinana Mandrakizay an'Andriamanitra velona. Ankehitriny, izany dia mba hahitana, izany dia voaisy tombokase ao anatin'io tendrombohitra io, izany dia tsy nosoratana. Tsy maintsy ho voadika izany. Ary rehefa niverina aho, ilay Anjely voalohany, tamin'ilay alina voalohany, no nanokatra an'ilay Tombokase nifanohitra tamin'ny zavatra rehetra izay hany rentsika teo amin'ny fiainantsika. Ary ireo fito rehetra dia tonga tahaka an'izany ihany. Fantatrareo izany. Teto ianareo rehefa nitranga izany, maro aminareo.

Ary, ankehitriny, tsy fantatro ilay izy tamin'izany fotoana izany, saingy...

⁸¹ Rahalahy Fred Sothmann, fantattro fa eto izy. Ary tena azoko antoka fa eto Rahalahy Norman. Tany izahay... Tsy maintsy nandeha tany Houston aho mba hamony an'ilay zazalahy kely ho afaka amin'ilay sez a misy herinaratra. Ary avy eo dia niverina aho ka nandeha nihaza niaraka tamin'ireo rahalahy aho. Ary tamin'io maraina io, dia nitsangana teo aho naka an'ireo tsipolitra, na-na ilay antsoin'izy ireo hoe *lohan'osy*

any, ireo tsipolitra hiala amin'ny tongotry ny patalo hako. Ary ilay fipoahana dia nanao marina tokoa an'ilay fomba izay Nilazany azy. Marina ve izany, Rahalahy Fred? Ary izaho—izaho—izaho dia tsy maintsy nitsambikina niala tamin'ny tany. Ary teo amboniko mihitsy no nisy an'ireo Anjelin'ny Tompo izay namerina ny Hafatra, ho ahy mba ho tonga eto hamaha an'ireto Tombokase ireto. Nahoana no eto, nahoana no eto amin'ny tabernakla? Nahoana no tsy nanaovako an'izany tany? Satria efa nanao fampanantenana iray ho an'ny fiangonako sy ho an'Andriamanitra aho, hoe ny Hafatra vaovao rehetra dia ho avy eto amin'ity tabernakla ity, voaray feo avy eto. Ary nanampy ahy Izy hihazona ny teniko, mba hijanona eto indray hanao an'izany. Ary avy eo dia niverina avy hatrany indray aho.

⁸² Ary, ankehitriny, tsy nahafantatra aho tamin'io fotoana io, hoe naka sary an'izany izy ireo, naka ireo siantifika, raha nampidina ny tenany avy tany An-danitra ireo Anjely, mba hitondra an'ilay Hafatra. Ary tsaroanareo, nilaza aho fa ilay Anankiray teo amin'ny ilany havanan'ilay andian-kintana dia nanana, karazany, ny Tratrany nibontsina, sy ireo Elany. Tsaroanareo ve aho nilaza an'izany, ianareo rehetra? [Hoy ny fiangonana hoe, "Amena."—Mpand.] Ary ahoana no nandinihako Azy? Tena niavaka tamin'ireo hafa Izy. Ary tsy fantatro fa naka ny sarin'Izany izy ireo, satria nandeha haingana nankany Atsinanana avy hatrany aho. Fa teny am-pandehanana hody ho any Tucson, dia nameno an'ireo gazety daholo Izany izay saiky hita nanerana ny firenena, na tany Mexico mihitsy aza, ary ny Fanjakana Tandrefana rehetra, ary heveriko fa ny Courier eto. Tao amin'ny Associated Press Izany. Firy no nahita, "Rahona iray mahagaga teny amin'ny lanitra"? Hitanareo ireo tānana. Ary ankehitriny dia ny magazina *Life* no naka azy. Ary izaho dia manana an'ilay—ilay lahatsoratra eto izao maraina izao, ao amin'ny magazina *Life*, mba haseho. Ankehitriny dia ity Izy eto, ilay fotoana iray ihany izay naha-tany ahy. Hitanareo ve ny pyramidan'ilay Rahona? Nijoro teo ambanin'izany mihitsy aho. Ary eo, hitanareo ve ilay Anjely miavaka eo amin'ny ilany havanana? Hitanareo ve ilay elatra maranitra an'Izany? Tena ilay voalazako marina tokoa. Ary indro izany ao amin'ny fahitana an'i Mexico sy ireo toerana samihafa rehetra izay nakan'izy ireo an'ilay sary. Ankehitriny, io siantifika eto io dia miezaka ny—ny hahazo ny vaovao rehetra mikasika an'ilay sary, izay vitany, mikasika ny olona izay manana an'ilay sary. Eo am-pandinihana an'izany izy.

⁸³ Ankehitriny, milaza izy eto fa tsy hety ho rahona iray izany, satria ny hamandoana dia tsy hohoatra eo amin'ny, hataoko hoe, eo amin'ny enina na valo maily ny hahavony, zavatra tahaka an'izany. Rehefa mandeha any am-pitan-dranomasina isika dia mazàna isika no misidina sivy arivo sy iray alina dian-tongotra, ary any ambonin'ireo oram-baratra isika amin'izany fotoana

izany. Fa ity rahona ity, arak'ity lahatsoratr'iо siantifika eto ity, dia enina amby roapolo maily ny hahavony. Izany dia ho maily maro sy maily maro any ankoatry ny hamandoana. Ary izy no nilaza, teo am-panadihadiana an'ilay faritra, ary ankehitriny, fantatrareo fa izaho... Firy no mahatsiaro fa nilaza taminareo aho hoe, "Izany dia naneno tahaka an'ilay feo mamaky eny ambonin'ny fiaramanidina iray"? Tsaroanareo? [Hoy ny fiangonana hoe, "Amena."—Mpand.] Fa tsy nisy fiaramanidina tao amin'ilay faritra. Ilay boky no miteny an'izany eto. Efa nanadihady an'izany izy ireo. Tsy nisy anankiray, tsy nisy fiaramanidina tany. Ary, ankoatr'izay, izany dia tsy afaka... Io zavona aorian'ny fiaramanidina iray io dia tsy inona fa rivotra miparitaka, hamandoana, satria izany dia mitsentsitra amin'ny alàlan'io zavatra io, tahaka ny fiaramanidina haingam-pandeha iray. Ary izany dia manosika ny tenany, izany no mamaky an'ilay hamandoana eny amin'ny rivotra. Tsy afa-miala amin'izany mihitsy izy, raha mbola misy foana ny fiaramanidina haingam-pandeha iray, satria izany dia tsy maintsy... Izany no ahodiny, ary ny hamandoana no mipotsaka avy ao amin'izany.

⁸⁴ Fa eto izy, maily maro any ambony any izay mety hisy hamandoana, ary tsy nisy fiaramanidina teo amin'ilay faritra. Ary tsy mety ho hamandoana tany ambony tany Izany, ka nihantona tany ambony tany tamin'io andro io. Izany dia telopolo maily ny sakany, enina amby roapolo maily ny hahavony. Hitanareo? Tena mitovy tahaka an'io sary *eo* io, rehefa nilaza taminareo aho hoe, "Ilay Anjelin'ny Tompo dia tahaka ny Andry Afo iray," taona maro lasa izay, talohan'ny nangalana Azy mihitsy; Andriamanitra no manao ny siansa hanaiky fa Izany no Fahamarinana. Ary eto, avy tamin'ilay faminaniana izay nomena, dia Andriamanitra no manao ny siansa hanambara fa Izany no Fahamarinana. Ankehitriny aiza isika no mijoro? Te-hihazona an'ity aho, satria izaho—izaho dia mety miresaka amin'ny sakaizako iray, izay manatrika izao maraina izao, mba—mba hanoratra an'ireo *Tombokase Fito*. Mety te-hampiasa an'ity izy ho an'izany. Ary noho izany ianareo izay manana dika iray an'izany, nahoana, raha manana anankiray ianareo, dia tehirizo izany ho fanoroana. Hitanareo?

⁸⁵ Ankehitriny izy dia te-hahita, saingy inona moa ny soa hataon'izany amin'ny filazana an'izany aminy? Hihomehezany izany. Hitanareo, hihomehy fotsiny mihitsy izy. Noho izany dia aza atsipy tahaka an'izany ireo perlantsika. Fa isika dia mahafantatra, ilay Fiangonana dia mahafantatra, ary Andriamanitra dia mahafantatra fa izany no Fahamarinana.

⁸⁶ Ary tamin'izay fotoana izay raha mbola nivavaka teo amin'io toe-javatra io aho, nanontany hoe inona no hitranga amiko, dia fantatrareo ve hoe taiza aho? Avaratr'i Tucson, atsinanan'i Flagstaff; tena marina tokoa, ara-toerana, taiza no nolazaiko taminareo, volana maro talohan'ny nitrangan'izany, fa

nitsanganako. Ary arak'ity gazety eto ity marina tokoa, ary ireo gazety sy ity magazina ity, ary ireo fanambarantsika manokana, hoe taiza marina tokoa no nisehoan'izany. Andriamanitra dia tanteraka ary tsy afaka mandainga, ary hiseho izany.

⁸⁷ Tsaroanareo ve teo amin'ilay horonam-peo: *Tompokolahy, Amin'Ny Firy Izao?* Ho tononiko izany. "Tsarovy, misy zavatra iray izay natao hitranga, lehibe." Ary ankehitriny Izany dia nanao ny firenena manontolo hanambara Azy. Ny gazety rehetra ao amin'ny Associated Press, ary iray amin'ireo magazinantsika voalohany, sy ny zavatra hafa rehetra, manambara ny Aminy, ary tsy tapitra izany, tsy mbola. Fa vahoaka iray manana tombontsoa toy ny inona, ny—ny vahoaka iray manana tombontsoa dia ny Kristiana, mahafantatra an'izany ao amin'ity ora maizina ity, nefà tsy misy ny fanantenana arak'ireo siansa, ary ny baomba atomika dia miandry antsika. Ary tsy misy fanantenana ao amin'ny rafi-pandaminantsika, mba hikambanana miaraka, miray miaraka amin'ny mariky ny bibidia izy ireo. Ary rehefa lasa tahaka an'izany ny fanantenantsika rehetra, ao amin'ny toe-karentsika, ny amin'ny fiombonantsika Kristiana eo anivon'ireo rafi-pandaminana. Izany no mitarika mankao amin'ny Katolisisma, izay ho lasa mariky ny bibidia ao amin'ilay fiombonamben'ny fiangonana.

⁸⁸ Fa, ary ireo izay tia an'Andriamanitra ka miandry zava-misy iray, hoe ilay tena Andriamanitra Izay nanao ny teny fikasana ao amin'ny Baiboly mihitsy, no mamelatra an'ilay izy eo anoloan'ny tavantsika; ary manao ny fiangonana, sy ny olona, sy ny siansa, ary ireo magazina, sy ny sisa, hanaiky fa mbola Andriamanitra foana Izy ary afaka manatanteraka an'ireo teny fikasana. Fotoana toy ny inona!

⁸⁹ Noho izany tao amin'ny Sabino Canyon tamin'io maraina io, nivavaka sy nanontany hoe inona no hitranga, nihazona ny tànako nankany amin'Andriamanitra aho, teo an-tampon'io tendrombohitra io, dia nilatsaka teo amin'ny tànako ilay Sabatra; niaraka tamin'ny fihazonana perla, ary ny fiarovan-tànany no teo ambonin'izany, ary lelan-tsabatra iray lava teo amin'ny dian-tongotra telo teo ny halavany, ary nangilatra tahaka ny vilany vy na tahaka ny kraoma, hareza maranitra. Ary tsy fantatro hoe inona ilay izy. Dia hoy aho hoe, "Matahotra an'ireto zavatra ireto aho."

⁹⁰ Ary tamin'izay fotoana izay mihitsy no niteny ny Feo iray, izay nanozongozona an'ilay lohasaha lava. Nanao hoe, "Ity no Sabatry ny Tompo." Ary ny Sabatry ny Tompo dia ny Tenin'ny Tompo, satria ny Tenin'Andriamanitra dia maranitra noho ny sabatra roa lela.

⁹¹ Avy eo dia niverina teo amin'izany, avy eo, nandritr'io fotoana io, rahalahy kely iray mahery fo ato amin'ny fiangonana... Ary efa miaramila iray izy sy efa voakapoka

potipotika tao amin'ny tafika, saiky, ary nitsirara toy ny maty, ary izy no nilaza fa izy dia... Izy ireo dia tsy, ireo mpitsabo dia tsy nihevitra fa ho velona izy, ary tsy misy dikany intsony akory aza ny hiadaladalana aminy, efa vita hatreo ny aminy. Ireo hozatra lehibe tao amin'ny ranjony dia efa nitresaka; ny sandry keliny dia efa saiky niendaka tanteraka; ny ranjony, ny ranjony iray niala, saiky. Fa niantra Andriamanitra, namonjy azy ary nanasitrana azy indray andro.

⁹² Izy, Rahalahy Roy Roberson, izay nanatrika rehefa nalaina sary tany Houston io sary io. Ahoana fa nilazana tamin'ny alalan'ny fahitana iray ny vadiny, izay efa nataony tamin'io andro io, ary ahoana fa nanana aretina iray izy ary ho sitrana izany. Ary izany no nitarika azy ho mpino iray. Fa izy, amin'ny maha-miaramila iray dia karazan'ny (Manantena aho fa hamela ahy izy amin'ny filazana an'izao) avy ao amin'izay misy ny—ny mahery setra, lafiny hentitra, izay manome baiko ao amin'ny tafika. Amin'ny maha-mpibaiko olona, dia tsy maintsy nitrerona izy, ary, “Ataovy io!” Hitanareo? Ary izy—izy dia nino, na izany aza. Fa mafy orina, ary tonga niaraka tamin'ilay fiangonana ary njery an'ilay ivelan'ny voajanahary, dia hoy izy hoe, “Mino an’io aho, saingy io dia ho an’ny olona iray hafa.”

⁹³ Indray alina dia namoha azy ny Tompo, indray maraina. Nipetraka izahay, izaho sy izy, tahaka ny tao Jerosalema teo amin'ny latabatra Fandraisany Tompo, ary niresaka aho. Tsy nety azony izany. Ary Rahalahy Roy, izay mipetraka manatrika, mijery ahy izao ankehitriny izao, ary nahita an'izany izy. Ary niantso ahy izy, tany Houston...na tany Arizona, na nandefa taratasy iray tamiko ary namerina niantso azy aho. Hoy izy hoe, “Nipetraka teo ianao, Rahalahy Branham, ary hitako ilay Andrin'ny Hazavana lehibe niditra ary naka anao, ary nanaisotra anao teo amin'ilay latabatry ny Tompo, ary lasa niankandrefana ianao.” Satria nipetraka teo amin'ilay ilany atsinanana izy nandinika ahy nandeha nankany andrefana, ary tonga ity Hazavana ity ka nitondra ahy.

⁹⁴ Nilaza izy fa maraina iray izany, toy ny fahitana iray ilay izy. Niarina teo am-pandriana izy, teo amin'ny telo na tamin'ny efatra maraina teo, zavatra tahaka an'izany, ary nahita an'izany nitranga. Ary nilaza fa nikiakiaka izy, toy ny hoe, nandrity ny andro maro hoe, “Rahalahy Bill, miverena!” Ary izaho sy Roy dia tena mpirahalahy tokoa. Miara-mipetraka izahay, ary miaraka mihaza, ary mpirahalahy fotsiny izahay. Ary izy—izy dia nikiakiaka ho ahy, hany ka farim-peo izy tao amin'ny tendany hoe, “Miverena! Ento miverina izy! Ento miverina izy,” niantsoantso. Izy no nilaza fa izaho...Indro fa tonga niverina ilay Andry Afo, na Rahona iray no niverina, ary Izzy no nametraka ahy teo amin'ny lohan'ilay latabatra, ary efa novàna aho. Zava-miafina iray ho an-dRahalahy Roy izany, izaho izay novàna, ho lasa hafa. Apetrako eto ambony eto *ity* ho

an'ny zavatra iray izay tiako ho tsarovana, “efā novàna,” rehefa hanome azy ny fandikana an’izany aho.

⁹⁵ Izany dia talohan’ny niverenako mihitsy ho an’ireo Tombokase Fito. Rehefa niverina aho ho an’ireo Tombokase Fito, tamin’izay fotoana izay aho... Indray maraina dia nihazona an’i Billy izy, ary te-hiresaka tamiko izy. Ary sahirana aho, teo ambanin’ny vavaka ho an’ireo Tombokase Fito. Ary tamin’izay fotoana izay izy dia niresa tamiko ny amin’ny... Nitranga indray izany, ary namerina an’ilay izy indray. Rahalahy Roy, raha diso ny filazako an’ity, dia ianao—ianao no aoka hiantso ny fifantohako. Ary izy no nilaza fa izy—izy dia nifoha indray, tamin’ilay—tamin’ilay maraina, ataoko fa maraina be indray, tamin’ilay maraina. Ary teo izy njery tao amin’ny efitra ka nahita an’io Hazavana lehibe io, na Rahona iray teo ambonin’ny tendrombohitra iray. Nanontany ahy izy, vao tsy ela akory izay hoe, “Nisy zavatra anankiray ve mikasika ny Rahona iray mipetraka eo ambonin’ny tendrombohitra,” dia nilaza aho... “ao amin’ny Baiboly?”

⁹⁶ Dia hoy aho hoe, “Eny, rehefa i Petera, Jakoba, ary Jaona no nentina niakatra, ka nanarona ny Tompo Jesosy ilay Rahona. Ary—ary niteny Andriamanitra, nanao hoe, ‘Ity no Zanako malalako.’” Efa nitory teo amin’izany aho teto, vao tsy ela akory izay. Hafatra kely iray, ireo rahalahy ao amin’ny horonam-peo dia mety mahazo an’izany, *Henoinareo Izy*. Ataoko angamba fa manana an’izany ao amin’ny horonam-peo ianareo. Azoko antoka.

⁹⁷ Ary nilaza izy fa niakatra teo amin’ilay tendrombohitra. Ary rehefa niakatra izy, dia nitsangana teo aho. Ary tonga avy tao amin’ilay Rahona ny Feo iray, (Sa tsy izany, Rahalahy Roy?) ka nilaza zavatra tahaka an’izao, “Ity no Mpanompoko. Ary Izaho no niantso azy ho mpaminanin’ity taona ity, hitarika ny olona tahaka ny nataon’i Mosesy mihitsy. Ary nomena fahefana izy, afaka miantsa ho amin’ny fisiana izy.” Na zavatra tahaka an’izany, tahaka ny nataon’i Mosesy, toy ny hoe niantso an’ireo lalitra. Ary fantatsika ny mikasika an’ireo vontsira, sy ny sisa, ary ireo zavatra izay efa niseho. Hattie Wright kely iry aoriania iry, ataoko fa fantatrareo izay niseho tao amin’ilay trano. Ary Izy no nilaza taminy fa nanao an’izay nataon’i Mosesy aho.

⁹⁸ Ary ankehitriny izy no nilaza an’izany tamiko, rehefa niverina avy tamin’ny—ny dia iray. Ary tao an-tsaiko, dia nanapa-kevitra aho fa handeha hiakatra ho any amin-dry Bud aho, satria ao anatin’ny toe-batana ratsy iray izy tany amin’ny maha-mpihaza iray.

⁹⁹ Talohan’ny nialana teto... Afaka mampiditra an’ity aho, ary handeha haingana isika. Nanonofy nofy iray hafahafa aho, nofy adaladala iray. Ary manantena aho, raha mihazona an’ity ny zaodahiko, dia tsy mandratra ny fihetseham-pony izany. Ary

manantena aho fa tsy mandratra ny vadiko, izay mipetraka manatrika ankehitriny. Fa fantany izany. Teo amin'ny volana maro lasa izay, teo mihitsy, eny, teo amin'ny manodidina ny Oktobra na Novambra teo, dia nanonofy aho hoe izaho—izaho dia nirenireny tao anatin'ny aizina, ary izaho... Eny, izaho—izaho dia tsy nanana toerana haleha ary tsy nisy olona niahy ahy, ary lasa mpitsindroka iray aho, izao fotsiny dia lasa a—amboalambo iray. Ary nangatsiaka aho, ary njery teny lavitra ka nahita afo. Ary rehefa tonga teo aho, izany dia—dia tanàna fanariam-pako iray, ary nanana lavaka izy ireo ka ilay afo dia tao anatin'ireo lavaka ireo. Ary teo anelanelan'ireo lavaka, dia nalama, izay eo no hatorian'ireo mpitsindroka, mba hafana, miala amin'ny hatsiaka, teo anelanelan'ireo afo ireo, tamin'ny alin-dririnina mangatsiaka iray. Ary izaho—izaho dia nangatsiaka. Ary izaho—izaho dia nandeha teo amin'io afo io, mba hafana, ary izany dia feno mpitsindroka mandry. Ary izy ireo dia... Tsy nahita azy ireo aho, fa izy rehetra dia toy ny nanana talantalana na toerana izay nisy ny toerana fatoriany. Ary hitako ny zaodahiko, Fletcher Broy.

¹⁰⁰ Ary i Fletcher, toy ny ahoana no nahatsiarovako azy. Ankizy tsara iray izy. Saingy izao dia mety ho lesona iray ho an'ireo ankizy tanora. Tsaroako taona vitsy lasa izay, tovolahy tsara tarehy iray, dia James Fletcher Broy, ary niaraka tamin'olondratsy izy, ary nandray ny fisotroany voalohany izy. Tsaroako izy niantso ahy tao ambadik'ireo lamban'efitra tao an-tranoko. Ary ny dadany izay efa lasa any amin'ny Voninahitra, taona maro lasa izay, dia teo naka gitara iray, “Teo amin’ny havoana lavitra tany no nitsangana ny hazo fijaliana tranainy mafy iray.”

¹⁰¹ Ary niantso ahy taoriana tao i Fletcher ka nanao hoe, “Rahalahy Bill, mivavaha ho ahy. Henoy izany feon-kira izay tendren’ny dadako izany, ary efa nisotro aho androany.”

¹⁰² Hoy aho hoe “Fletcher,” zazalahy teo amin’ny valo ambin’ny folo taona teo, hoy aho hoe, “aza mandeha amin’izany lâlana izany.” Fa tsy nihaino mihitsy izy. Nanohy izy. Lasa alikaolika tanteraka izy. Ary nandao azy ny vadiny, ireo zanany, ary izy amin’izao ora izao mihitsy dia... Ary Andriamanitra no mahafantatra fa tiako izy.

¹⁰³ Nandeha nivavaka ho azy aho, mpitsindroka iray mihitsy. Nandeha nivavaka ho azy aho, teto vao tsy ela akory izay, naratra izy raha teto aho ho an'ireo Tombokase Fito. Hoy aho hoe, “Fletch, manana palitao sy pataloa vitsivitsy aho any izay tiako—tiako homena anao.”

Hoy izy hoe, “Aza manao an’izany, Rahalahy Bill.”

Ary izaho—izaho dia nahafantatra fa tsy nanana akanjo izy. Dia hoy aho hoe, “Nahoana no tsy raisinao ireo akanjo?”

Hoy izy hoe, “Hah-ah.” Ary njery ahy izy, “Hitanao, fantatrao izay hataoko amin’izy ireo. Hanao azy ireo ho antoka dia ho mamo.”

Dia hoy aho hoe, “Homeko vola kely ianao, Fletch.”

¹⁰⁴ Hoy izy hoe, “Tsia, aza manao an’izany, Rahalahy Bill. Izaho—izaho—izaho tsy mila anao hanao an’izany.” Tena zalahy iray izy, tao amin’ny fony, saingy lasa alikaolika iray sy mpitsindroka iray izy. Ary ny—ny vadiny dia nandray an’ilay lalan-dratsy. Ary, oh, ny zavatra rehetra dia nitranga mihitsy tamin’ilay lehilahy mahantra.

¹⁰⁵ Ary rehefa nifoha aho, talohan’ny nifohazako, dia nilaza tamiko i Fletch, nilaza tao amin’ilaynofy izy, hoy izy hoe, “Billy, izaho dia—izaho dia hitady toerana iray ho anao, Rahalahy Bill. Ianao no namahana an’ireo zanako rehefa noana izy ireo.” Ary hoy izy, “Ianao dia dada iray ho azy ireo. Ankehitriny dia hahita toerana iray ho anao aho eto mba hanafana.” Ary nandeha nandalo an’ireo toeran’ny mpitsindroka izahay ary farany dia tonga teo amin’ny toerana iray, hoy izy hoe, “Hipetraka eto aho.”

Dia hoy aho hoe, “Hiakatra eto aho ary hahita raha afaka mahita toerana iray aho.”

¹⁰⁶ Dia niakatra aho, ary njery tao amin’ilay alina maizina, mangatsiaka. Ary nieritreritra aho hoe, “Eritrereto izany. Indray mandeha, dia namela ahy hitarika ny Fiagonany Andriamanitra Tsitoha. Indray mandeha, dia namela ahy history ny Filazantsarany Izy sy hahita an’ireo fanahy voavonjy. Ireo lehilahy sy vehivavy dia tonga avy tany amin’ny manerana an’izao tontolo izao, mba hiresaka amiko mandritry ny minitratrity vitsy. Ary indro aho ankehitriny, mpitsindroka iray, nefy tsy misy olona mila ahy. Ary mangatsiaka aho. Inona no tokony hataoko?” Avy eo dia nifoha aho.

¹⁰⁷ Niteny tamin’ny vadiko aho, hoy aho hoe, “Angamba izany dia midika fa mila zavatra i Fletch.” Noho izany dia nandeha haingana izahay, mba hijery raha afaka hahita azy izahay. Ary ny rahalahiny no nahita azy. Nipetraka tetra izy niaraka tamin’ireo Weidners. Tany amin’izay nanaovan’izy ireo... fivarotana soavaly sy ny sisa; natory teo amin’ny zoron’ny tronom-biby iray na zavatra tahaka an’izany. Lasa aho. Nieritreritra aho hoe, “Eny, tsy maintsy hamela an’ilay izy handeha fotsiny aho.”

¹⁰⁸ Noho izany dia niverina avy tany Canada aho ankehitriny, niaraka tamin’i Fred sy izy ireo, indray andro. Ary tao an-tsaiko, dia nanapa-kevitra aho hoe, “Raha tsy te-hihaino ny Hafatiro ireo olona ireo, eny àry, tsy voatery izy ireo.” Efa nitory aho ankehitriny nandritry ny dimy amby telopolo taona teo. Ary ireo dimy ambin’ny folo ka hatramin’ny valo ambin’ny folo taona farany dia tsy nanao na inona na inona afa-tsy ho an’ny Tompo fotsiny aho. Efa niezaka aho ny hiaina tena akaiky Azy ary tsy

nilaza teny iray raha tsy Izy no nilaza tamiko aloha, ny zavatra rehetra.

¹⁰⁹ Hoy ny olona hoe, “Ankehitriny raha milaza aminareo Rahalahy Branham fa ho avy izy, dia tsarovy, mitadiava favoriana iray, satria ho avy amin’ny Anaran’ny Tompo izy. Tsy hanao na inona na inona izy raha tsy ny Tompo no milaza . . .” Marina izany. Niandry aho mandra-Pilazany amiko. Tsy nihetsika aho mandra-Pilazany amiko. Ary avy eo dia Izy no nanao an’izany, nandrir’ireo volana vitsy farany, tsy niteny tamiko na inona na inona mikasika an’ireo toerana haleha Izy.

¹¹⁰ Tamin’izay fotoana izay dia tonga avy tany Canada aho, ary i Fred no nilaza . . . Na Rahalahy Roy no nilaza tamiko nynofiny, raha izaho sy izy ary Rahalahy Banks no nandeha niaraka, talohan’ny nisarananay mihitsy.

¹¹¹ Ary avy eo ny ampitso dia nandeha tany amin-dry Rahalahy Fred izahay. Ary ny zanany lahy, Lynn, dia tsy tao an-trano, noho izany dia tsy afaka niaraka taminay izy. Tsy maintsy niandry izy sy ny vadiny. Naka ny vadiny tany Rosewood izy . . . na Melrose, Saskatchewan.

¹¹² Ary izaho sy Billy dia nandeha tao anatin’ny fiarandRahalahy Fred. Tamin’io alina io izahay dia nandeha tamin’ny ampahany betsaka an’ilay alina, sy ny ampitso. Ary avy eo ny ampitso maraina dia nandao an’ny Helena izahay, Montana, ary tonga teo amin’ny sisin-tany.

Ary izaho—izaho afaka mihiratra hatramin’ny sivy eo, dia matory. Tsy maintsy matory aho. Ary i Billy, izy dia tia matory hatramin’ny folo eo ny ampitso, rehefa tonga ny misandratr’andro, koa izany no tena mahatsara an’ilay izy ho anay rehefa manao dia.

¹¹³ Noho izany izaho—izaho dia nifoha teo amin’ny efatra teo ary nanomboka, namely fiara, ary i Billy dia natory. Nandeha teo amin’ny toerana iray izahay ary nieritreritra aho tato an-tsaiko hoe, “Mba fantatrao moa? Indray andro any, vantany vao afaka mitondra ny vadiko any aho . . . Ary tsy tiako ny hilaza aminy an’izay hataoko. Fa hiakatra eo aho, ary avy eo dia hilaza aminy hoe, ‘Tiako loatra ity toerana ity, tsy ilaina ny handehanantsika any an-kafa. Ndao isika hijanona eto.’” Ary izany dia lavitry ny fandrosoana, zato sy arivo maily hatraiza hatraiza. Hitanareo? Any an-efitra lavitra any. Nieritreritra aho hoe, “Tsy ho tsara ve izany! Tsy mila manana volo tapaka aho, ary izaho—izaho—izaho tsy mila mitafy tsara aho. Ary izaho dia ho—ho mponina antendrombohitra iray fotsiny, izay nilaiko haha-izy ahy foana.” Dia hoy aho hoe, “Banana basy maromaro aho, ary ireo olona sasany no hanome ahy, ary ho lasa mpitari-dàlana iray toy ny tsy mbola renareo mihitsy aho. Ho tiako fotsiny izany. Avy eo raha miteny amiko ny Tompo mba handeha hidina ka hiteny zavatra amin’ny olona, dia hihazakazaka aho ary hiteny amin’izy ireo

dia hiverina indray. Ary hanampy an'i Bud aho, ary tena banana toerana tena izy iray izahay eto.” Nieritreritra an’izany aho.

¹¹⁴ Niditra tao amin’ny toeram-pisakafoana iray izahay, mba hihinana, toerana kely iray tao amin’ilay tendrombohitra, teo amin’ny fito teo. Efa somary tara kely izany, noho izany dia nofohaziko i Billy. Lany lasantsy izahay, noho izany dia tsy maintsy nividy lasantsy kely. Ary niditra tao amin’io toerana kely io, io trano fisakafoana kely io. Ary raha mbola tao, dia nisy lehilahy iray niampita an’ilay làlambe, angamba antitra kely noho izaho, saingy toy ny lehilahy iray izy, ho ahy. Nanao akanjo fitondra miasa iray izy, lobaka fitondra miasa, kiraron’ny mpitaingin-tsoavalys, satroka mainty iray, ny volombava midina eo amin’ny tavany tahaka an’izao, fotsy toy ny oram-panala, ny volony mihantona avy eo ambany, ao ambadiky ny satrony. Nieritreritra aho hoe, “Toy ny lehilahy iray ity.” Tsy malemy iray, kamo, miaraka amin’ny sigara iray eny am-bavany, saiky tahaka an’izao ny halavany, nipetraka niaraka tamin’ny sorta nanaovany, teo amin’ny lavarangana iray na dobo filomanosana, Tatsinanana kibotaina iray, tahaka an’izany. Miala tsiny amin’ilay fitenenana. Fa, na izany aza, dia toy ny lehilahy iray ilay zalahy, amiko; mahery, mafy. Toy ny hoe miaina ao amin’izay nasain’Andriamanitra hiainan’ny olona izy. Ary nidera azy aho.

¹¹⁵ Niditra tao amin’ilay trano fisakafoana izy ary nangataka mofomamy. Nisy olona teo amin’ny dimy ambin’ny folo, roapoloo tao. Tsy maintsy nievina izy. Ary fantatrareo hoe ahoana ireo olona sasany no . . . [Maka tahaka manampina fievenana iray Rahalahy Branham—Mpand.] Mamelà ahy. Fa namoaka anankiray ara-pahasalamana goavana be izy, fievenan’ny any anaty ala, “Ker-choo-ee!” Oadray, toy ny hoe nipoaka ireo varavarankely. Rehefa nataony izany, dia tsy nisy olona sahy niteny na inona na inona. Tsia, tompoko. Hoy aho hoe, “Billy, izany no lehilahy iray araka ny foko manokana.”

Hoy izy hoe, “Aoh, ry dada, tsy ho tianao ny hitovy . . .”

“Izany no, izany aho amin’ny ho avy.” Hitanareo? Hoy aho hoe, “Izany aho.”

¹¹⁶ Ary nipetraka kely teo aho, ary njery ahy i Billy ka nanohy nihinana an’ireo mofomaminy, ary izaho—izaho efa nahatapitra ny ahy. Afaka minitra vitsy, nisy olona iray, tao amin’ny trano heva iray teo anoloanay mihitsy, niaraka tamin’ny hazo fisaka tahaka an’izao, tao ambadik’ilay trano heva, tsy afaka nahita ny manodidina aho. Nitsangana ny lehilahy iray, izay tena mitovy amin’ny tsanganako mihitsy, teo amin’ny dimy amby fitopolo taona teo, lehilahy bitika kely iray. Nifatotra teo aminy ireo akanjony, rovidrovitra. Ary ilay zalahy izay niaraka taminy dia Fletcher Broy, marina tokoa, volo fotsy no nihantona teo amin’ny tavany. Ary njery manodidina i Billy, hoy izy hoe, “Dada,

mitovy aminao sy Fletcher ilay izy.” Azonareo eritreretina izay tsapako. Ary ilay lehilahy kely, nitovy tamiko, dia nivembena. Ianareo . . . Avy nitsangana teo amin’ny afon-dasy iray izy ireo, miaraka amin’ny setroka nanerana azy ireo, ireo endrika naloto. Heveriko fa ireo sakaf marainany, mitambatra, ilay lehilahy dia tsy maintsy nandoa roapolo cents, angamba ho an’ny kafe iray kaopy na tahaka an’izany. Nitroatra tao anatiko ny foko. Ary nandinika aho. Dia hoy i Billy hoe, “Inona ny olana aminao?”

Hoy aho hoe, “Tsy misy na inona na inona.” Ary nandinika an’izany aho, ary nihodina izy ireo ka lasa nivoaka.

Hoy izy hoe, “Dada, inona ny olana?”

Hoy aho hoe, “Tsy misy na inona na inona.” Ary niditra tao amin’ny fiara izy. Nilaza aho . . .

Hoy izy hoe, “Tsy mampaninona anao ve ny hamily fiara indray?”

Hoy aho hoe, “Tsia.”

Hoy izy hoe, “Mbola te-hatory aho.”

¹¹⁷ Noho izany dia nandeha natory izy, ary nandeha mora aho teny amin’ny lalana, teo amin’ny dimy amby dimampolo maily isan’ora teo, tao amin’ilay fiarabe, teny an-tendrombohitra, nanatona nankany amin’ny—ny sisintany, nankany . . . Nandeha nody nankany Arizona, saingy tonga tao Utah aho ankehitriny. Ary raha tonga tao aho, nidina avy teny amin’ireo tendrombohitra, teo amin’ny roapolo maily avy teo amin’ilay tanana, toy izany fotsiny . . . Efa nandre an’izany ianareo, araka ny nilazako taminareo ny amin’ilay maraina mikasika an’ireo vontsira, sy ireo zavatra rehetra ireo, toy ny ahoana ilay zavatra . . . Nisy olona iray nandeha mba hiresaka tamiko, Feo iray tahaka ny andrenesanareo ny ahy mihitsy. Fantatra fa toy ny marary saina izany. Saingy araka ny vao avy nambarako hoe, “Efa mba niteny zavatra taminareo afa-tsy izay marina ve aho?” Ary ny—ny Feo iray dia nanomboka niresaka. Niresaka Taminy aho.

¹¹⁸ Hoy Izzy hoe, “Tanteraho ireo drafitrap dia ho toy izany ianao.”

Hoy aho hoe, “Tompo, tsy te-ho tahaka an’izany aho.”

¹¹⁹ Hoy Izzy, “Ny vadinao dia ho lasa, ihany koa. Tsy ho tiany ny hipetraka ao amin’ireo havoana tahaka an’izao. Ary ho lasa mpangataka iray ianao araky ny nasehon’ilay nofy taminao mihitsy fa ho izany ianao.”

¹²⁰ Hoy aho hoe, “Tsy te-ho tahaka an’izany aho, fa ny . . . Izaho—izaho—izaho tsy te-hiaina tahaka an’izany. Izaho—izaho te-hanao zavatra hafa. Saingy izaho—izaho dia nilazana fa—fa Ianao dia niantso ahy mba ho—ho mpaminany iray, ary te-hipetraka any an-efitra tahaka ny mpaminany aho.” Fa

nampiasa ny fialan-tsiniko manokana aho mba hahafahako mihaza; ny tombontsoako manokana.

¹²¹ Dia hoy Izy hoe, “Saingy izany dia ireo mpaminanin’ny Testamenta Taloha. Ianao dia nantsoina eto mba ho ao amin’ny asa ambony lavitra noho izany.” Hoy Izy hoe, “Manana fanomezam-pahasoavana betsaka ankoatr’izany ianao. Nantsoina mba hivavaka ho an’ny marary sy history ny Filazantsara ianao. Ary amin’ny endrika apostolika, dia fantatrao ireo—ireo zavatra lehibe kokoa, fanomezam-pahasoavana lehibe maro.” Hoy Izy hoe, “Maninona ianao no miandry Ahy hanetsika anao isaky ny mihetsika ianao? Aiza ny valisoanao?” Tamin’izay fotoana izay aho dia nahita. Ary avy eo hoy Izy, “Tsaroanao ve?” Nolazaiko taminareo...?... “Tsaroanao ve izay nolazain-dRahalahy Roberson taminao tao amin’nynofinao, tao amin’nynofiny, na fahitany? Hoe ianao diaefa nanao tahaka an’i Mosesy. Adinonao ny fihetseham-pon’ny olonao. Adinonao ilay antso izay Niantsoako anao.”

¹²² Navelako nandry ny marary. Tiako ny Tompo no hiteny amiko hoe aiza no haleha sy ny tsy haleha. Diso izany. Nanorina henatra iray ho an’ny tenako aho, satria tsy nihaino ny Hafatro ny olona. Ary raha ianareo no... Ary nananatra ahy Andriamanitra mba hiezahako hampitaha ny fiainan’ny ankehitriny hitovy amin’i Mosesy, saingy tena tahaka ny nataon’i Mosesy marina tokoa ilay izy. Tsy nihaino azy ny olona rehefa tonga hanafaka azy ireo izy, noho izany dia navelany nипetraka tsara teo ireo ary nandeha nankany an-efitra izy, saingy naverin’Andriamanitra izy. Ary nadinoindy nandrity ny elaya fahorian’ireo olona.

¹²³ Ary tamin’izay fotoana izay dia hoy aho hoe, “Tompo, raha... Ahoana no hahatonga ahy, marina izany, miaraka amin’ny tsy fahaizana, miaraka amin’ny fahaizan’ny gramerantsekoly iray, hahavita? Ary ny olona dia mijoro eo amin’ny filaharana sady hatraiza hatraiza, mba hihaino ny Filazantsara tsotra.” Ilay izy dia mihoatra, ilay izy dia lehibe lavitra ankehitriny noho izay naha-izy azy teo ambanin’ilay Fanekeina Taloha. Niakatra any amin’ny Avo Izy ary nanome fanomezana ho an’ny olona. Hitanareo? Jesosy Kristy ilay tsy miova omaly, anio, ary mandrakizay. Noho izany dia niresaka aho, ary nandre an’Izany niresaka tamiko aho. Ary nandao ahy Izany.

¹²⁴ Dia hoy aho hoe, “Billy.” Ary renoky ny tory izy. Hoy aho hoe, “Billy, ianao ve izany?” Fa tsy nifoha akory aza izy.

¹²⁵ Dia nieritreritra aho hoe, “Tompo Andriamanitra,” nalefako moramora ny fiarako, “inona no dikan’izao?”

Dia hoy aho hoe, “Billy. Billy.”

Hoy izy hoe, “Inona no ilainao?”

Dia hoy aho hoe, “Niresaka tamiko ve ianao?”

“Tsia. Nahoana?”

¹²⁶ Dia hoy aho hoe, “Te-hilaza zavatra iray aminao aho. Nanonofynofy iray aho vao tsy ela akory izay. Tadidinao ve fa nahita an’ilay zalahy izay nitovy tamiko sy Fletch ianao? Anontanio i neny rehefa miverina any Tucson ianao, nolazaiko taminy izany nofy izany. Ary, Billy, misy zavatra mitranga, mandeha Izany ankehitriny. Nisy Zavatra niresaka tamiko, ary izaho—izaho dia nihevitra fa ianao Izany.”

¹²⁷ Hafahafa kely ny fijeriny ahy, ary niandry vetivety izy, nanohy namily fiara izahay. Noho izany, minitra vitsy, dia niverina natory indray izy. Ary namily fiara hatrany aho, nieritreritra hoe inona no mety ho dikan’izany? Nanohy namily fiara, teo amin’ny lalana mihitsy, ary, tampotampoka teo, indro fa tonga niresaka indray Izany.

¹²⁸ Ary hoy Izy hoe, “Miverena! Tsy niteny taminao ve Aho, tamin’ny voalohany, mba hanao ny asan’ny evanelista iray? Rehefa niantso anao Aho, teo amin’ilay renirano, dia tsy niteny ve Aho hoe, ‘Tahaka ny nanirahana an’i Jaona Mpanao-batisa hialoha lalana an’ilay fihaviana voalohany?’ Tsy mihoatra noho ny mpaminany iray ve i Jaona? Jesosy no niteny an’izany, Izy tenany. ‘Hijery inona no nivoahanareo, mpaminany iray?’ Hoy Izy, ‘Mihoatra noho ny mpaminany iray.’”

¹²⁹ Noho izany dia nanomboka tonga tamiko izany rehetra izany. Nanomboka aho mba-mba hanontany. Avy eo dia Nampahatsiahiviny ahy indray ny amin’ireo—ny amin’ireo olona. Ahoana, manao izay nataon’i Mosesy, ahoana no nahafahan’i Mosesy nahazo an’ireo olona tany an-efitra? Ary ahoana no nahafahako nahazo an’ireo olona tany an-efitra? Tena ilay zavatra iray ihany tokoa. Tamin’izay fotoana izay dia tonga teto amin’ity izany, Timoty Faharoa 4. Tsaroanareo ve rehefa nitokana ny fiangonana isika tamin’ilay maraina, telopolo taona lasa izay, ny sasany aminareo tranainy, rehefa Nasehony ahy ireo hazo ary namboleko teo amin’ny lafiny roa izy ireo? Tsaroanareo ve izany? Tsaroanareo ilay fahitana. Izany rehetra izany dia voasoratra ao amin’ireo boky sy ao amin’ireo horonam-peo sy ny sisa. Efa taona maro lasa izay, toy ny ahoana no nahitako an’ireo ary izaho—izaho dia tsy nampifangaro mihitsy ny an’ny Tokana sy ny Trinite. Nijoro teo anelanelan’izy ireo aho ary namboly an’ireo hazo ireo, ary izy ireo ihany no hazo anankiroa izay nanana voa. Ary izaho... Ny hazo rehetra dia nitombo teo amin’ny telopolo dian-tongotra teo dia nijanona. Tonga hatrany An-danitra mihitsy izy ireo; notapahiko ilay sampana iray ihany. Hitanareo? Ny anankiray teo amin’ny lafiny iray ary ny anankiray teo amin’ilay hafa, dia notapahiko izy ireo. Tsaroanareo ilay fahitana. Hitanareo? Voasoratra ao amin’ireo boky ary ao amin’ny tantaram-piaianako izany. Ary niakatra nankany An-danitra mihitsy tahaka an’izany izy ireo, haingana. Dia hoy Izy hoe, “Ahinjiro ho amin’ilay voa ny tananao.” Ary

tamin'izay fotoana izay dia ilay voa iray ihany no hitako teo amin'ny hazo fijaliana, rehefa nihazakazaka nankeo aho. Dia hoy Izy hoe, “Ataovy ny asan’ny evanelista iray. Ataovy feno porofo ny asam-panompoanao. Ary ho avy ny andro izay tsy hahazakan’izy ireo ny fampianarana madio.’ Aza ajanona izy ireny amin’izay fotoana izay. Manohiza mandeha.” Izany rehetra izany no tonga tao an-tsaiko.

¹³⁰ Ary avy eo dia tsaroako ity Marilyn Monroe, ilay zazavavy izay hitako maty teo amin'ny herinandro iray talohan'ny nahafatesany teo, ary ahoana fa nilaza izy ireo hoe namono tena izy, nefo tsy nanao an'izany izy. Nolazaiko azy ireo ny mikasika an'izany, mialoha, izay hitranga, ary nitranga izany. Ary tahaka an'izany ireo mpanao ady totohondry tany; ny anankiray dia hamono an'ilay anankiray hafa. Nafangaroko ilay zazavavy. Nisy zazavavy hafa iray tany, ny anadahiny dia—dia—dia Danny Henry. Iza ilay anarany? Jane Russell. Ny anadahiny, dia zazalahy Batista iray.

¹³¹ Ary nitory tany Los Angeles aho, tao amin'ny sakaf marainan'ny Business Men. Ary nisy Zavatra tao nipetraka teo amin'ireo rafi-pandaminana mihitsy, ary nipetraka teo ilay lehilahy lehiben'ireo Assemblées, ary maro tamin'ireo manankaja malaza no niangona tao. Ary rehefa avy niresaka aho ka nanomboka niala teo amin'ilay lampihazo, niomana... Satria, ilay Hafatra dia efa nalefa nanerana ny—ny—ny firenena, tao amin'ny radio, ary tsy maintsy novaina indray. Nandritr'io fanovàna io, rehefa notapahin’izy ireo ilay radio, tamin'izay fotoana izay, mba handefasana an'ilay Hafatra, ary niverina indray ka nilaza an'ilay foibem-pandaharana. Ary tany amin-dry Clifton aho, izay nihinanayan ny sakaf maraina. Ary raha nandeha avy teo amin'ilay lampihazo ambony aho ho eny amin'ilay ambany, dia tovolahy tsara tarehy iray teo amin'ny telopolo taona teo, no nihazakazaka ary nametraka ny sandriny nanodidina ahy. Hoy izy hoe, “Izaho no Danny Henry.” Ary tsy fantatra fa ny rahalahiny no nanao an'ilay fampitâna tamin'ny televiziona. Ary, ah, izy no manao ny fampitâna amin'ny televiziona teo ho an'ny Christian Business Men. Ary i Jane Russell, ilay olo-malazan'ny sarimihetsika, no rahalahiny. Ny reniny dia mpitoky teny Pentekotista iray.

¹³² Ary avy eo rehefa nanomboka nihazakazaka nankeo amiko izy ireo, ary nametraka ny sandriny nanodidina ahy izy, dia nanao hoe, “Andriamanitra hitahy anao, Rahalahy Branham.” Hoy izy hoe, “Manantena aho fa tsy ho fanimbazimbana izao, saingy, amin'ny fomba fahitako azy, dia mety ho ny toko faha-23-n’ny Apokalypsy ilay Hafatra.” Ary rehefa nilaza an'izany izy, dia nanomboka niteny tamin'ny fiteny tsy fantatra izy. Zazalahy iray izay tsy mbola nandre zavatra toy izany mihitsy, Batista iray ara-anaram-piagongana. Ary vantany vao... Nivadika fotsy izy, ary njery ahy izy. Tsy fantany izay

hatao. Nisy olona iray mipetraka eto izay tany. Tany ve ianao, Fred? Firy no tany tamin'io fotoana io? Hia, misy telo eto, izay tany tamin'io fotoana io. Ary tsy fantany izay ho lazaina.

¹³³ Ary nisy vehivavy Frantsay matavy be iray nipetraka teo. Nitsangana izy, hoy izy hoe, "Nahoana, tsy mila fandikana iray intsony izany. Tena teny Frantsay madio mihitsy izany."

Hoy ilay zazalahy hoe, "Tsy mahay teny Frantsay anankiray aho." Ary efa noraisiny naoty izay nolazainy.

¹³⁴ Ary avy eo dia nisy lehilahy iray nitsangana teo amin'ny zorony, hoy izy hoe, "Marina izany. Noraisiko naoty izay nolazainy, dia teny Frantsay." Tery aorianana lavitra tery, lehilahy iray mena volo, tsara tarehy, nitsangana niankin-drindrina, no nandroso ary nampitaha an'ireo naoty. Izy dia mpandika teny ho an'ny U.N., ho an'ny teny Frantsay. Ary io lehilahy teo io dia Victor Le Doux, avy ao amin'ny fiangonana Arne Vick tany, ary nandray naoty an'izany izy. Ary manana ny dikan'izany aho.

¹³⁵ Henoy izao, raha afaka mamaky an'ilay izy aho.

"Izaho, Victor Le Doux, dia lehilahy Frantsay tanteraka; Kristiana nateraka indray, feno ny Fanahy Masina. Ny adiresiko dia 809 North King Road, Los Angeles 46. Miangona ao amin'ny Bethel Temple aho, Pasitera Arne Vick, no pasitera. Fandikana marina no ambarako, an'ny faminaniana izay natao tamin-dRahalahy Branham, nomen'i Danny Henry tamin'ny teny Frantsay, ny 11 Febrero, 1961, tamin'ny sakafotra marainan'ny Full Gospel Business Men. Fandikana marina an'ilay faminaniana."

¹³⁶ Ankehitriny, izao no nolazain'izany.

Satria nify ny lalana tery ianao, ilay lalana sarotra indrindra, dia nandeha tao amin'ny fifidiananao manokana ianao.

Ankehitriny, dia hitako izany. Mosesy dia tsy maintsy nanao ny safidiny, ihany koa. Hitancareo?

Naka ny lalana tena izy sy marina ianao, fanapahan-kevitra marina, ary izany NY LÀLAKO.

Notsipihany ny hoe, "NY LÀLAKO," ny Fanahy Masina no niteny teo.

Noho io fanapahan-kevitra lehibe io, dia ampahan'ny Lanitra goavana iray no miandry anao...miandry anao.

Fanapahan-kevitra be voninahitra iray toy ny inona... (Ankehitriny henoy tsara.)

Fanapahan-kevitra be voninahitra toy ny inona no nataonao. Ao amin'izao maha-izy azy izao no hanaovany, sy hanehoany, an'ilay fandresena goavana be ao amin'ny fitiavana Masina.

¹³⁷ Marihonareo, izany no verba alohan'ny adverba. Hitanareo, ny teny Frantsay. Ankehitriny ilay mpandika tenin'ny U.N. no nandika an'izany. Ary ilay zazalahy dia tsy mahay teny anankiray, tsy mbola nandre mihitsy—tsy mbola nandre mihitsy ny zavatra tahaka an'izany toy ny fitenenana amin'ny fiteny tsy fantatra. Batista iray izy. Sendra niditra tao fotsiny, ary nandre an'ilay mozika, ka nilaza... tonga teo ary njoro teo ka nandre ahy nitory teny.

¹³⁸ Ankehitriny, “ao amin’ny fitiavana Masina,” fitiavana Masina. Ahoana no haha-fitiavana Masina an’izany raha tsy ny—ny Fanahy Masina izany? Ny Fanahy Masina no fitiavana Masina.

¹³⁹ Ankehitriny, ary raha nanomboka nandeha teny amin’ny lâlana izaho sy Billy, hitanareo, nanomboka nanoxy nandeha teny amin’ny lâlana, dia nandeha natory indray i Billy. Ary hoy Izany hoe, “Hanome anao famantarana mandrakizay iray Aho.”

¹⁴⁰ Dia hoy aho hoe, “Tompo, inona...” Niandry vetivety aho ary tsy nisy na inona na inona nitranga. Hoy aho hoe, “Inona ilay famantarana mandrakizay, Tompo?” Dia niandry minitry vitsy aho. Ary tamin’izay fotoana izay mihitsy dia nitodika aho njery an’i Billy; natory izy.

¹⁴¹ Dia hoy Izy hoe, “Hanome anao famantarana mandrakizay iray Aho,” indray. Hoy Izy hoe, “Mijere miankandrefana avy eo amin’izay misy anao.”

¹⁴² Dia nahodiko tahaka an’izao ny lohako tao anatin’ilay fiarabe, mba hijery; nandeha moramora, fantatralareo. Ary, oh, oadray, ilay Fanahin’ny Tompo! Tsapako ho toy ny nikiakiaka sy niantsoantso aho. Ary njery aho, ary nahita tendrombohitra iray fotsiny niaraka tamin’ny sarony fotsy teo amboniny. Hoy aho hoe, “Tsy fantatro, tsy mahita famantarana mandrakizay ny amin’izany aho.”

¹⁴³ Hoy Izy hoe, “Voasoratra manerana an’io rehetra io ny anarananao.”

¹⁴⁴ Oh, nieritreritra aho hoe, “Inona izany?” Dia lasa tena nalemy aho ary nanomboka nijanona.

¹⁴⁵ Ary nitsangana i Billy ka nanao hoe, “Inona ny olana aminao?” Dia nosintoniko tahaka an’izao ny tànako, nirarakava avy teo amin’ny tànako ny hatsembohana, nefy nilatsaka ny oram-panala.

¹⁴⁶ Hoy aho hoe, “Billy, misy zavatra mitranga. Tamin’ny fotoana anankiray dia fantatro hoe taiza aho no nanao fahadisoana. Fantatro fa tsy nahomby tamin’Andriamanitra aho.” Ary toy ny afaka mandre an'ilay hira izay nohiraina aho, ka mahita olona an’arivony mifangaro, mandringa, kilemaina, jamba, ary maty ila; mandre antoko mpihira iray, feo iray an’ny feo malaza be anankiray, mihira:

Maloto! Maloto! Ireo fanahy ratsy no nitarika azy.

(Fantatrareo ilay hira.)

Avy eo dia tonga Jesosy ka nanafaka an'ilay babo.

¹⁴⁷ Afaka nahita an'ireo laharan'ny marary nandry nanerana aho, ary tsy maintsy nijanona. Tsy fantatr'i Billy fa izany no niseho. Ary niandrandra aho.

¹⁴⁸ Nijanona aho ary niandrandra teny amin'ilay tendrombohitra, ka nahita an'ireo havoana fito. Ankehitriny, eto, raha te-hahita zavatra ianareo. Nisy tendro fito teo antampon'ny tendrombohitra iray, tendrombohitra anankiray, izay nitomandavana maily maro. Ilay tendrombohitra farany alohan'ny hidiranareo ao amin'ilay faritra hafa; tsy misy tendrombohitra intsony aorian'io. Ary izany dia mitomandavana avy any atsinanana ka hatrany andrefana, ilay andian-tendrombohitra, ary izany dia feno oram-panala ny tendrony eo an-tampony.

¹⁴⁹ Ireo tendro kely roa voalohany, ary avy eo tendro lehibe iray; ary avy eo tendro kely hafa iray, ary avy eo tendro lehibe kokoa iray; ary avy eo tendro kely iray, ary avy eo tendrombohitra iray lehibe, be velarana, lava, feno oram-panala ny tendrony. Dia hoy aho hoe, “Tompo, tsy azoko hoe inona no dikan’izao.”

¹⁵⁰ Hoy Izy hoe, “Misy tendro firy eo?”

¹⁵¹ Hoy aho hoe, “Misy fito.”

¹⁵² “Litera firy no eo amin’ny anaranao?” B-r-a-n-h-a-m, M-a-r-r-i-o-n B-r-a-n-h-a-m.

¹⁵³ Ary teo ireo tendro telo malaza ireo. Hoy Izy hoe, “Ireo tendro telo ireo dia ny sintonia voalohany, faharoa, ary fahatelo. Ny voalohany dia ny ampahany voalohany tamin’ny asam-panompoanao, havoana kely; noho izany ny sintonao voalohany, dia avo ihany.” Fantatrareo, ilay famantarana eo amin’ny tanana. Avy eo dia nisy elanelany kely teo, ny fotoana izay nanesorana ahy noho ny havizanana be loatra. Maro aminareo no mahatsiaro an’izany. Ary avy eo dia tonga ny famantarana, ilay sintonia faharoa. Ankehitriny dia nanana iray hafa aho, teo amin’ny taona vitsy teo tetra an'ilay karazana tendro kely fotsiny, hitanareo, toy ny hoe tsy mbola teo ilay asam-panompoako, ary avy eo dia tonga ilay anankiray fahatelo.

¹⁵⁴ Ny telo dia isan’ny fahavitana, hitanareo, ilay anankiray fahatelo. Ilay tendro manaraka dia dimy, isan’ny fahasoavana. Ary ilay tendro manaraka dia fito, isan’ny—ny fahatanterahana, ilay farany. “Enina andro no hiasanareo. Ny fahafito dia ny Sabata,” ilay faran’ny herinandro, ilay faran’ny fotoana. Hitanareo? Ary nijanona aho ka nasehoko an’i Billy izany. Ary njery azy ireo aho.

¹⁵⁵ Hoy Izy hoe, “Izany, aoka izany no hijoro. Raha sendra misy fisalasalana iray ao an-tsaina, dia tsarovy ity toerana ity, miverena eto indray.”

¹⁵⁶ Dia nasian'i Billy totohondry aho teo amin'ny soroka, hoy izy hoe, “Dada, mijere miatsinanana!” Ary ahoana no tena nitrangan’izany, tsy fantattro, fa teo amin’ny ilany atsinanan’ilay lâlana dia nirehitra ilay fanarium-pako. Maily maro sy maily maro avy teo amin’ny karazana tanàna iray, nisy antontana fanarium-pako tranainy iray nipetraka teo amin’ny ilany havia an’ilay lâlana.

¹⁵⁷ Miverina amin’ilay saha aho. Amena. Antitra na tanora, velona na maty, dia hankatoa an’Andriamanitra aho mandrapanafaky ny fahafatesana ahy. Tsy nahomby tamin’ny Tompo aho, tsy nanaiky. Na izaho no manao... Efa niezaka aho... Mamela ahy hanatsofoka an’ity. Hitanareo? Mbola misy horonam-peo kely tavela ve? Mamela ahy hanatsofoka an’ity. Efa naniry aho, efa naniry aho ny hahita an’i Jesosy Kristy ho voaseho tsy misy kilema anankiray. Ary aoka ireo rahalahy izay mihaino an’ity horonam-peo ity, sy ity fiangonana ity hahatsiaro, manomboka amin’ity andro ity, ny antony tsy nahitanareo kilema mihitsy, ary ny antony tsy nahafahanareo nilaza zavatra anankiray izay efa voalaza na natao nandrity ireo taona rehetra ireo afa-tsy izay nitranga. Mihaika ny olona rehetra aho mba hitondra anankiray avy amin’ireo zavatra an’arivony teto amin’ny lampihazo, sy ny famantarana, ary ny filazana mialoha an’izay hitranga; tena nitranga tanteraka arabakiteny izany. Ankehitriny, raha mino an’izany ny fiangonana, dia manaova hoe, “Amena,” mba... [Hoy ny fiangonana hoe, “Amena.”—Mpand.] Tsy misy olona anankiray eto amin’izao tontolo izao afaka hampiseho anankiray amiko. Fa aoka izao ho fanttry ny fiangonana eto sy ny fiangonana ho avy: raha Andriamanitra no manosika ny olona iray ao amin’ny fantsona iray, ka tsy mihetsika mihitsy izy mandra-pilazan’Andriamanitra aminy, dia tsy misy finoana mifandray amin’izany. Izany no Andriamanitra manosika anareo ho eo amin’ny zavatra iray. Ary izany no manorina an’ilay asam-panompoana ho eo amin’ny toerana iray izay tsy hahafahan’ny olona hilaza teny iray manohitra an’izany. Fa manomboka izao, dia mamelà ahy aloha hiteny aminareo amin’ny Anaran’ny Tompo, alohan’ny hihainonareo, satria tsy maintsy mandeha amin’ny finoana aho. Tsy maintsy ataoko amin’ny finoana ilay izy, na dia mihevitra aza aho fa marina ilay izy na diso, na inona. Manao ny tsara indrindra amin’ny safidiko aho, ary avy eo dia mandeha manao an’ilay izy. Satria tsy diso izany, satria efa niandry aho mandra-Pilazany amiko handeha hanao an’ilay izy. Efa niandry Azy aho. Noho izany dia tsy izaho izany; Izzy izany.

¹⁵⁸ Fa, hitanareo, na dia ilay Masindahy Paoly lehibe aza dia teo anelanelan’ireo fahasaratana indray mandeha. Ary

matetika dia Andriamanitra no nanao an'ireo zavatra na namela an'ireo Mpanompony hanao an'ilay izy, fahadisoana izany, mba hanaporofoina an'ireo zavatra ireo. Ankehitriny, fantatsika fa ny olombelona dia mety manao fahadisoana, fa Andriamanitra dia tsy mety manao fahadisoana. Fa ankehitriny raha miditra ao amin'ny saham-pitoriana aho, ka mandeha amin'ny fomba izay izaho—izaho no manao, amin'izay fotoana izay dia tsy maintsy manomana an'ireo favoriana aho aloha ary—ary mandamina an'ireo zavatra ireo. Ary angamba izao ny fahatongavan'ilay fotoana lehibe izay efa nandrasantsika. Ary azo antoka fa raha “Amin’izao maha-azy azy izao no misy ny zavatra iray goavana be izay hampiseho, sy hanao mba haneho, an'ilay fandresena goavana be ao amin'ny fitiavana Masina,” ary izany ilay verba alohan'ny adverba, amin'izay fotoana izay dia izany no fitiavana Masina, izay Andriamanitra. Hitanareo? Ary izany dia mila ny fitiavan’Andriamanitra hihazakazaka tampoka eny amin'ilay lohalaharana ka hijoro eo amin'ilay elanelana ho an'ny olona.

¹⁵⁹ Ary ireo Rickies sy Rickettas, izay manaraby loatra an'ireo teny, ary izaho no niantso azy ireo hoe “Ricky” sy “Ricketta,” Andriamanitra no nanome ahy mba hahazo fa tsy tokony hanao an’izany aho, satria misy maro amin’izy ireo no mbola Zanany. Izaho dia ny... Tsy mahavita na inona na inona izy ireo satria manao zavatra hafa loatra izy ireo. Ny sasany amin'ireo fiangonana tranainy, ara-pomba dia manana azy ireo, ilay fanahy eo amin’izy ireo, ary izy ireo dia tena ao—ao an-tranomaizina tahaka ny Isiraely tao an-tranomaizina, tena tahaka ny nandehanan'i Mosesy mihitsy nanafaka azy ireo tamin'ny fanandevalozana. Ireo olombelona izay tia an'i Jesosy Kristy, dia hanompo Azy raha mba fantany fotsiny hoe ahoana no fanompoana Azy. Ary izy ireo dia ao anatin'ny fahandevalozana eo ambanin'ny fanaovana anaram-piagonana izay milaza amin’izy ireo hoe, “Ianareo aza manao an’ity, ary ianareo aza manao an’itsy.”

¹⁶⁰ Fa tsy maintsy tonga ilay antson’Andriamanitra hoe, “Izay te-handeha hankany amin'ilay Tany nampanantenaina, aoka izy handeha.” Eo amin'ny lalantsika ho any amin'ilay Tany nampanantenaina isika. Amena. Aoka izy ireo ho avy, handeha. Eo amin'ny lalantsika hihona amin'i Kristy amin'ny andro farany isika. Ary tiako ny nitondra an’izao taminareo mba hahitanareo, sy naneho an’izany taminareo, ilay fahadisoana izay mety vitan'ny olona iray, kanefa dia tso-po.

¹⁶¹ Verin'i Mosesy ilay fihetseham-pon'ny olony satria tsy nety nihaino azy izy ireo. Ary, Rahalahy Roy, hitanao ve ilaynofinao? Ary ankehitriny izaho dia tsy afaka mandeha, miaraka amin'ny asam-panompoana iray tahaka an’izany, mandra-pahatsapako zavatra hafa ao am-poko mikasika an’izany, tsy mampaninona na niteny tamiko aza Andriamanitra. Fa izany ilay fiovana izay Rahalahy Roy...izay hita tonga. Misy zavatra izay tsy

maintsy hanova ahy, satria aho, ato am-poko, raha mandeha any aho ka mahatsapa an'ilay fomba izay atao ankehitriny; mbola mahatsapa foana aho fa tokony hihaino an'ilay Hafatra izy ireo, tokony hanao an'izany izy ireo. Ary tsy manana fihetseham-po izay tokony hananako ho an'ny olona aho. Mandrapahazoako an'izany fihetseham-po izany, dia tsy misy ilaike ny fandehanana, satria dia ho mpihatsaravelatsihy iray aho.

¹⁶² Ary nandritr'ireo taona rehetra ireo dia niezaka nanompo Azy amin'ny fo marina iray aho, ary tsy handeha any aho amin'ny maha-mpihatsaravelatsihy iray. Tsy maintsy mahatsapa an'izany aho, hoe izany dia tsy *Ricky sy Ricketta*, ary izany dia tsy io *andiany* io. Izany dia zanak'Andriamanitra izay ao anatin'ny fahandevozana, ary tsy maintsy mandeha any amin'izy ireo aho. Mandra-pahatonga ahy hahatsapa toy izany, dia tsy maintsy handehandeha aho, hitory teny amin'ireo fivoriana sasany sy ny sisa, fa miandry.

¹⁶³ Manana hira kely iray aho. Tsy afaka mihira aho. Ho tiako fotsiny ny hanonona azy aminareo. Rahalahy, manao sarin-tany kely fotsiny aho. Tsy mbola vitako tanteraka ilay izy. Tsy voasoratro tsara ilay izy. Tsy fantattro na afaka hamaky azy akory aza aho na tsia. Ilay izy dia ao anatin'ilay feon-kiran'ny *Battle Hymn Of The Republic*. "Voninahitra, voninahitra, haleloia!" Efa nandre an'izany ianareo. "Voninahitra, voninahitra, haleloia!" Firy? Mazava ho azy, isika rehetra dia efa nandre an'izany.

Nitaingi-tsoavalny nanerana ny firenena ilay
mpitoky teny mpandehandeha,
Niaraka tamin'ny basy iray teo amin'ny sorony ary
Baiboly iray teny an-tanany;
Nolazainy tamin'ireo olona teny an-tanety ny
amin'ny Tany voatahy iray nampanantenaina,
Raha nitaingi-tsoavalny izy, dia nihira hatrany.

Miankina, miankina,
Miankina eo amin'ny sandry mandrakizay;
Miankina, miankina,
Miankina eo amin'ny sandry mandrakizay.

Nitory ny fihavian'ny fitsaran'ny afo sy solifara
izy;
Ary Lanitra iray be voninahitra, tsy misy farany
an'ny nohamarinina irery ihany.
Raha nitaingi-tsoavalny nanerana an'ireo
tendrombohitra izy dia azonareo renesina izy
nihira an'io hira io,
Raha nanohy nitaingina izy.

Misy hery, hery, hery manao fahagagana,
Ao amin'ny Ràn'ny Zanak'ondry;

Misy hery, hery, oh, hery manao fahagagana,
Ao amin'ny Rà sarobidin'ny Zanak'ondry.

¹⁶⁴ Ilay mpitoky teny antitra mpandehandeha. Tsaroanareo izy.
Hitanareo?

Ankehirtriny ny basiny dia trrainainy sy harafesina,
ary miabantona eo amin'ny rindrina izany;
Ny Baiboliny dia tena tonta sy feno vovoka,
ary ny . . . tsy voakitika mihitsy aza indraindray;
(Marina izany.)

Fa ny Hafatra izay entin'Izany ho antsika kosa dia
hihaona amintsika amin'izany Andro izany,
Satria ny Fahamarinan'Andriamanitra dia mbola
mandeha foana.

Ny rehetra:

Voninahitra! voninahitra, haleloia!
Voninahitra! voninahitra, haleloia!
Voninahitra! voninahitra, haleloia!
Ny Fahamarinany dia mandeha foana.

¹⁶⁵ Hianatra an'izany aho. Nitsangana aho aninkeo maraina
rehefa nandray naoty an'izany, nametraka ny tànako teo
amin'ilay basiko trrainainy izay nihantona teo amin'ny rindrina.
Nieritreritra aho hoe, "Tsy ho ela intsony izany."

Ny basiny dia trrainainy sy harafesina, raha
miabantona eo amin'ny rindrina izany, (Marina
izany.)

Ary ny Baiboly dia tonta sy feno vovoka, ary tsy
voakitika mihitsy aza indraindray;
Fa ny Hafany avy ao amin'ity Baiboly ity kosa . . .
ao amin'ny Fitsarana indray andro;
Ary ny Fahamarinany dia mitohy mandeha foana.

¹⁶⁶ Ny Fahamarinan'Andriamanitra dia ity Baiboly ity! Hia.
Jesosy Kristy no tsy miova omaly, anio, ary mandrakizay.

¹⁶⁷ Ilay mpitoky teny mpandehandeha miaraka amin'ny
basiny ao an-damosiny, ny Baiboliny eny an-tànany, dia
nitaingi-tsoavaliny nanerana an'ilay tanety, sy teny ambonin'ireo
tendrombohitra, sy nanerana an'ireo lavaka ary hatraiza
hatraiza, nitory ny amin'ny fihavian'ny Arivo taona, ny amin'ny
fihavian'ny Fitsarana mirehitra ho an'ilay tsi-marina, ary nitory
ny Fanjakan'Andriamanitra ho an'ilay marina. Marina izany.
Ilay Winchester trrainainy dia tena harafesina. Ary ilay Baiboly,
izy ireo—izy ireo dia manana bokin'ny filàn'ny nofo raha tokony
ho Izany. Fa ny Fahamarinan'Andriamanitra dia mbola mandeha
foana. Manao ny Tenany ho tena misy Izy amin'izao andro izao,
ary manaporofa an'izany, fa efa nisy hatramin'izay Izy. "Ny
Fahamarinan'Andriamanitra dia mitohy mandeha foana!"

Voninahitra! voninahitra, haleloia!
 Voninahitra! voninahitra, haleloia!
 Voninahitra! voninahitra, haleloia!
 Ny Fahamarinany dia mandeha foana.

¹⁶⁸ Nahoana? Hisy olona iray handray an'Izany. Satria Jesosy Kristy no tsy miova omaly, anio, ary mandrakizay. Ndao isika hihiira an'izany indray. Ankehitriny dia mifangaro isika eto, Metodista, Batista, Loterana, sy ny sisa hafa. Raha mbola mihira an'io isan'andininy farany io isika, dia ndao isika hifandray tànana amin'ny olona manodidina anareo, ary avy eo dia hirava isika.

¹⁶⁹ Ary ankehitriny, tsarovy, ianareo izay tsy maintsy handeha ho any amin'ny fiangonanareo manokana, dia mandehana rahariva. Arahabao ho ahy ny pasiteranareo. Ary—ary avy eo dia mivavaha ho ahy, ny tsirairay avy aminareo. Ary avy eo indray koa dia tiako ianareo hahatsiaro, raha tsy manana toerana haleha ianareo...

[Miresaka amin-dRahalahy Neville i Rahalahy Branham—Mpand.] Ary raha manana zavatra ianareo.

Aorian'ny hafatr'i Rahalahy Neville rahariva, aorian'ny hahavitany ny hafany, amin'izay fotoana izay dia te-hanao horonam-peo iray aho antsoina hoe *Ilay Jiro Mena Mipiapiaka An'Ny Fihaviany*, hitanareo, rahariva. Ny Tompo hitahy anareo ankehitriny. Ary amin'ny herinandro manaraka, izaho dia, amin'ny Alahady heriny, raha sitraky ny Tompo, dia mety ho tonga indray aho hanao horonam-peo iray hafa, satria tsy maintsy ho any Arkansas aho amin'io herinandro manaraka io.

¹⁷⁰ Eny àry, ankehitriny dia ndao isika hihiira indray, ary hifandray tànana ankehitriny.

Voninahitra! voninahitra, haleloia!
 Voninahitra! voninahitra, haleloia!

Tompo Jesosy, tahio ireto mosara ireto!...?...[Mivavaka Rahalahy Branham raha mbola mihira ny fiangonana—Mpand.] Amin'ny Anaran'i Jesosy Kristy, no ametrahanay tànana eo ambonin'ireto mosara ireto.

...foana.

Ho an'Andriamanitra ny dera! Ankehitriny dia ndao isika hanondrika ny lohantsika fotoana fohy fotsiny.

¹⁷¹ Ara-potoana mihitsy ianao, Rahalahy Ruddell. Miakara eto iray minitra fotsiny ary mivavaha. Rahalahy Ruddell, anankiray hafa amin'ireo rahalahy mpiara-miasa aminay eto, avy amin'ny fikambanan'ny fiangonana kely iray izay iarahanay manana, tsy anaram-piagonana izany. Ary efa nandre an'ilay fijoroana mahery izay noraisin'io Rahalahy Ruddell io aho ho an'ny—ho an'ny Filazantsara. Ary noho izany aho—aho dia milaza an'izao, Rahalahy Ruddell, ny zavatra rehetra eran'ny lâlana...Tsy

nampanantena fandriana iray feno voninkazon'ny fahamoràna Andriamanitra. Fa nampanantena ady iray Izzy, eny, saingy nampanantena fandresena kosa Izzy. Izay ilay zavatra.

¹⁷² Tsaroako rehefa naka voalohany an'io fijoroana io aho, na dia ny reniko sy ny raiko manokana aza dia te-handroaka ahy hiala amin'ny trano. Hitanareo? Saingy, oh, oadray, toy ny ahoana no nanaovako batista azy ireo tamin'ny Anaran'ny Tompo Jesosy! Ireo fanantenana tokana izay hany ananako amin'izao andro izao dia noho ny fijoroana. Tena faly aho fa ny Hafatry ny Baiboly, avy amin'ilay mpitoky teny mpandehandeha hatramin'izao andro izao...Na dia nohazonin'ny olona aza Izany ary nanesoran'izy ireo Izany, ka nanaovan'izy ireo anaram-piagonana sy nametrahany fanelek-pinoana sy ny sisa hafa ao anatin'Izany, dia mbola mandeha foana io Fahamarinana io. Marina izany. Mbola mandeha foana Izany.

¹⁷³ Andriamanitra hitahy anareo, ny tsirairay avy, ary manantena ny hahita anareo tena tsy ho ela indray izahay. Mandra-pahatongan'izany, hanao an'ity fitia anankiray ity ho ahy ve ianareo ankehitriny, ny eto sy ny eo amin'ny horonam-peo ihany koa, ianareo rahalahy? Mivavaha mba hametrahan'Andriamanitra ato am-poko an'ilay zavatra izay veriko tany tao anatin'ilay henatra. Tena mora mihitsy ny manorina henatra iray.

Nanana fihaonana iray aho indray andro niaraka tamin'ny Rahalahiko Way izay mipetraka eto, mijoro eto aloha eto. Lehilahy tsara iray, saingy nanorina henatra iray ho an'ny tenany izy, karazana henatra iray hafa, nanao an'ilay zavatra mitovy. Rahalahy Way, tena mora no ahafahanao manao an'ilay izy; ilay izy dia ianao fotsiny no manana zavatra kely iray ao an-tsainao, mihazona an'ilay izy tahaka an'izany. Miverena dia amarino amin'ny Soratra izany, dia jereo raha marina ilay izy na tsia, ary avy eo dia manohiza manomboka eo. Hia. Aza ariana ny fihetseham-pon'ny olona. Hitanareo? Tsy maintsy mahatsiaro ianareo fa tsy vovon-kazo no nanaovana azy ireo. Nofo sy rà izy ireo, olombelona sy fanahy iray. Mivavaha ho ahy, ianareo rehetra, raha sitrakareo. Andriamanitra hitahy anareo ankehitriny.

Hanondrika ny lohantsika isika ary hangataka andRahalahy Ruddell raha izy no...

¹⁷⁴ Azafady? [Hoy Rahalahy Parnell hoe, "Rahalahy Branham, manana zavatra anankiray izay tiako ho lazaina aho, raiso iray segondra sy sasany fotsiny aho."—Mpand.] Eka, rahalahy. [Mitantara ny amin'ny nofy iray izay efa nofisiny Rahalahy Parnell.] Ho an'Andriamanitra ny dera! Mpitoriteny iray io. Mety misy olona tsy mahafantatra. Ary izy no anankiray amin'ilay vondrona izay, tsy nanam-potoana aho izao maraina izao, izany dia anankiray amin'ireo nofy, izay miresaka ny

amiko nandeha tamin'ilay làlan-kafa, hitanareo, nandeha tany Andrefana, nandeha nankany Andrefana tamin'izao ora farany izao. Rahalahy J.T. Parnell.

¹⁷⁵ Ankehitriny, mety misy vahiny eto izay manontany mikasika an'ireo olona izay manana nofy, ireo mpanonofy. Tsia, tsy mandray ny karazana nofy rehetra sy ny sisa izahay, fa izahay kosa dia mino fa ny Baiboly no nilaza hoe, "Ary izao no hiseho amin'ny andro farany, fa handrotsaka ny Fanahiko amin'ny olona Aho; ary izy ireo dia haminany, sy hahita fahitana, ary hanonofy nofy." Ary raha mbola ao anatin'ny saron'ny Baiboly foana izany, dia adidiko ny mino an'izany sy mitory an'izany. Ary rehefa mitantara nofy ny olona, raha tsy manome ny fandikana ny Tompo, dia avelanay handeha izany. Ary raha zavatra iray izany... Rehefa miteny amin'ny fiteny tsy fantatra ny olona iray, dia tsy maintsy zavatra iray ho an'ny fiangonana izany, ary tsy maintsy mitranga, ihany koa. Raha tsy izany, dia ho fanahy ratsy iray izany. Tsy maintsy miseho izany, satria ny fandikana ny teny amin'ny fiteny tsy fantatra dia faminaniana. Fantatsika fa marina izany. Noho izany dia miezaka izahay eto ny hiaina ny Baiboly amin'ny fomba izay nampianarana Azy fotsiny. Aza manaisotra na inona na inona avy ao amin'Izany na manampy na inona na inona amin'Izany, fa miaina Azy fotsiny amin'ny fomba izay maha-izy Azy. Isaorana anie ny Tompo. Nanampy ahy izany, Rahalahy J.T., mba hino fa... Andriamanitra dia tsy niteny tamiko mba handeha ankehitriny ka hanao marimaritra iraisana amin'ny ota; fa mandeha fotsiny ary manohy manao. Hitanareo?

¹⁷⁶ Ndao isika hivavaka ankehitriny. Rahalahy... [Misy anabavy iray miantsoantso ao am-piangonana—Mpand.]... Nisy olona torana. Iray minitra fotsiny. Mipetraha tsara, ny rehetra. Hitanareo? [Mandao ny polipitra Rahalahy Branham ary midina mankany amin'ny fiangonana.]

¹⁷⁷ Ray An-danitra, aoka ny Famindramponao sy ny fahatsaranao ho amin-dRahalahy Way. Amin'ny Anaran'i Jesosy Kristy, enga anie izy hiverina. Avereno izy, Tompo, ary omeo hery sy fahasalamana izy.

Noho izany dia ampio aho, manomboka mitempo indray ny fony! Mipetraha tsara, ny rehetra, ary mivavaha fotsiny.

Tompo Jesosy, aoka ny Fahatsaranao sy ny famindramponao ho amin-dRahalahy Way, amin'ny Anaran'i Jesosy Kristy.

¹⁷⁸ Nifarana ilay izy. Tahaka ny ijoroako eto amin'ity alitara ity, izay efa nitoriana fandevenana. Eto amin'ity ijoroako eto ity, izay nivavahan'ny olona an-jatony tamin'i Kristy. Nidina aho, efa silentika ireo masonry, lasa ireo fitempon'ny fony. Ary tsy nanao afa-tsy ny niantso ny Anaran'i Jesosy Kristy fotsiny, dia nanomboka niverina indray ny fitempon'ny fony. Deraina ny Tompo! Deraina ny Tompo! Amin'ny maha-

mpitoritenin'ny hazo fijaliana, dia amin'ny Anaran'i Jesosy Kristy no ilazako an'izany. Tsy mahafinaritra ve Izzy? [Hoy ny fiangonana hoe, "Amena." —Mpand.] Aretim-po iray. Hitanareo? Tena mankasitraka aho fa izao ankehitriny izao mihitsy ilay izy no niseho, fa tsy niandry taorian'ny nahalasa antsika. Hitanareo ve ilay fahasoavan'Andriamanitra? Isaorana anie ny Tompo!

Ndao isika hanondrika ny lohantsika fotsiny.

¹⁷⁹ Ray An-danitra, misaotra Anao izahay ny amin'ny Fahatsaranao sy ny Famindramponao. Eto afovoanay mandrakariva Ianao. Omeo ahy, Tompo, ny Diloilo ao amin'ny faniloko. Omeo ahy ilay—ilay—ilay—ilay Tehin'ny Tompo, mba hahafahako haninjitra an'Izany, eo amin'ny marary sy ory. Mba hahafahako hitondra an'izany eo ambonin'ny... hitondra fanafahana ho an'ireo mila zavatra, ary fitsarana ho an'ireo izay mandà an'Izany. Ekeo izany, Ray. Misaotra Anao izahay ny amin'ny Fahatsaranao rehetra, amin'ny Anaran'i Jesosy Kristy. Amená.

Rahalahy Ruddell, Andriamanitra hitahy anao, rahalahy. 

MIIJORO EO AMIN'ILAY ELANELANA MAG63-0623M
(Standing In The Gap)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 23 Jona, 1963, tao amin'ny Branham Tabernacle ao Jeffersonville, Indiana, U.S.A. dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org